

CARTA CUAYIIVI YEⁿE 'IIⁿ'YĀⁿ CHI SNÉE YĀ YĀĀⁿ CORINTO

Pablo idinguúⁿ yā carta 'cūū yeⁿe
'iiⁿ'yāⁿ yeⁿe yaacū na yāāⁿ Corinto

1 'Úú Pablo 'úú. Ní Ndyuūs neⁿé
yā chi 'úú cuuvi 'áámá apóstol
chi candéé nduudu cuaacu yeⁿé
Jesucristo. 'Úú ndúúcu Timoteo chi
hermano yeⁿe yú idinguúⁿ carta
'cūū yeⁿe 'iiⁿ'yāⁿ yeⁿe yāāⁿ Corinto
chi caⁿá yā yāacū yeⁿe 'iivú
Ndyuūs, ní yeⁿé nducyaaca 'iiⁿ'yāⁿ
chi i'teenú yā Jesucristo, 'iiⁿ'yāⁿ chi
snée yā na núúⁿmáⁿ yāⁿāa yeⁿe
Acaya. ²Ndyuūs Chiida yú ndúúcu
Señor Jesucristo cuuvi tée yā s'uuúⁿ
cosa chi n'daacā yeⁿé yā ní 'ífcú
cunéé vaadi 'diiiⁿ yeⁿé yā na staava
yeⁿe yú.

Pablo ch'eenú yā chii

³Dich'εete yú Ndyuūs ti nééné
n'dai Ndyuūs Chiida yú chi Chiida
Señor Jesucristo yeⁿé yú. Ndyuūs
Chiida yú ya'ai 'iinú yā s'uuúⁿ ní tee
yā 'viich'εetínūⁿ s'uuúⁿ. ⁴Ndyuūs
yeⁿe yú itee yā 'viich'εetínūⁿ
núⁿs'uu yeⁿe tanducuéⁿé chi n'geenú
'nū ngii ti núⁿs'uu ní cuuvi ca'á 'nū
dáámá 'viich'εetínūⁿ 'iiⁿ'yāⁿ chi
n'geenú yā ngii ndúúcu dáámá
'viich'εetínūⁿ chi Ndyuūs tee

yā núⁿs'uu. ⁵Núⁿs'uu ní n'geenú 'nū
ngii n'dee ca cáavā chi idiíⁿ 'nū
ntiiⁿnyuⁿ yeⁿe Señor Jesucristo.
Ní Señor Jesucristo tee ca yā
'viich'εetínūⁿ núⁿs'uu. ⁶Maaⁿ ní,
nduuti chi n'geenú 'nū ngii, chuu
ní cáavā ndís'tii cuuvi cuta'á ní
'viich'εetínūⁿ yeⁿé Ndyuūs ní
cuuvi nnguaⁿ'ai ní. Ní nduuti chi
Ndyuūs tee yā núⁿs'uu 'viich'εetínūⁿ,
chuū ní cáavā ndís'tii cuuvi cuta'á
ní 'viich'εetínūⁿ yeⁿé Ndyuūs, ní
cuuvi nnguaiⁿ'ai ní. 'Tiicá ntúūⁿ
ndís'tii cuuvi cuchée ní nducuéⁿé
chi n'geenu ní ngii tan'dúúca chi
núⁿs'uu n'geenú 'nū ngii. ⁷Ní canee
ngiinú 'nū yeⁿe ndís'tii chi cunee
n'daaca ní. Ti deenú 'nū ti taachi
ndís'tii n'geenu ní ngii tan'dúúca
núⁿs'uu 'tiicá ntúūⁿ Ndyuūs tee yā,
'viich'εetínūⁿ ndís'tii tan'dúúca chí
tee yā núⁿs'uu.

⁸Ní ndís'tii hermanos yeⁿé 'nū.
Neⁿé 'nū chi cadiinuuⁿ ní yeⁿe
tanduvée vaadi caa'va chi cho'ō
nuúⁿ 'nū na yāⁿāa yeⁿe Asia. Chífⁿ
chí ch'eenu taaví 'nū chí ní nééné
n'dee ca, ní nadicadiinúúⁿ 'nū chi
nguée fuerzas yeⁿé 'nū chi cuchée
'nū yeⁿe nducuéⁿé ti cuuví 'cuūvi
'nū. ⁹Nacadiinúúⁿ 'nū chí ca'á yā

orden chi 'cuūvi 'nū naati chuū ní
 chíi chí ch'i'ni nús'uu chi cu'téenu
 cá 'nū Ndyuūs chi nadacuée' yā
 'ii'nyā' ye'e' nguaa' tiná'ā. Ní nguē
 i'téenu 'nū ye'e' maá' nū. ¹⁰Tíicā
 Ndyuūs nadanguá' ai yā nús'uu
 ye'e' peligro chi 'āā chéé' cuūví
 'nū. 'Tiicā ntūū' cunee ngiinu 'nū
 Ndyuūs chi nadanguá' ai yā nús'uu
 ye'e' nducué'ē chi n'geenú 'nū
 ngii ní ye'e' chí ch'ēete n'dai. ¹¹Ní
 ndís'tií ní nginne ntūū' nī nús'uu
 ti nga'anguā'ā nī caavā nús'uu.
 Caati ndúútí chí 'yáá' ca hermanos
 nga'angua'á yā ye'e' 'nū, tuu'mi ní
 ca'á yā gracias Ndyuūs, ti Ndyuūs
 díí' yā n'dai ca cáávā nús'uu.

**Pablo chi'naa' yā chi ndaá
 yā na yāā' Corinto**

¹²Ní yeenú 'nū ti deenú 'nū na
 staava ye'e' 'nū chi chíi' chi idií'
 'nū ní cáávā 'ii'nyā' ye'e' i'nyee'ndí
 'cuū. Ní n'daacā díí' nū. Ní n'daacā
 díí' nū cáávā ndís'tií. Ndyuūs chi
 n'dai taavi chínneé yā nús'uu chi
 'túucā din'daacá 'nū. Chuū nguéé
 cuuvi díí' nū cáávā vaadi deenu
 ye'e' maá' nū. ¹³Chíí' chí dingúú'
 'nū ye'e' ndís'tií ní ndís'tií ní cuuvi
 'cueé' nī ní intiinaá' nī. Cunee
 ngíínú 'nū chi túúmícadíinúú' nī
 nducué'ē. ¹⁴Tan'dúucā chi ndís'tií
 túúmícadíinúú' nī 'téé maa' naati
 taachi ndaa Señor Jesucristo taama
 vmné'ēe tuu'mí ndís'tií cuuvi yeenú
 nī cáávā nús'uu tan'dúucā chi cuuvi
 yeenú 'nū cáávā ndís'tií.

¹⁵Caati véé confianza ye'e' 'nū
 ndúucū ndís'tií, vmnáá' vmnaa'
 nadacádiinúú' chí chíi ní ndaá ní
 caneé nduucú nī 'áámá tiempo ní
 cuayiivi ndaá taama vmné'ēe ní

cunee nduucú nī chi cuuvi yeenu
 cá nī. ¹⁶Nadacádiinúú' chí cho'ó
 yaá'ví ndís'tií taachi ca'á na yā'āa
 Macedonia. Ní cuayiivi míi' taachi
 n'daá yā'āa Macedonia mií' tuu'mi
 ní nandaa ntuú' yaa'ví ndís'tií ní
 cunee ndúucū nī. Ní taachi can'daá
 ye'e' nī, ndís'tií cuuvi cunnee nī 'úú
 ndúucū necesidades ye'e' caati ca'á
 yā'āa Judea. ¹⁷Tíicā nadacádiinúú'
 chí díí'. 'Úú nguéé díí' tan'dúucā
 'ii'nyā' chí díí' yā tan'dúucā chí
 maá' yā ne'e' yā. Ní nga'a yā:
 Júū, júū chuū chí díí', ní cuayiivi
 nga'á yā chí nguéé díí' yā ti díí'
 yā tan'dúucā chí ne'e' yā. ¹⁸Naatí
 Ndyuūs deenú yā nduudu chí nga'á
 'nū chí nguéé nga'á 'nū 'tíicā idií'
 'nū ní cuayiivi nguéé idií' 'nū 'tíicā.
¹⁹Ti taachi 'úú ndúucū sa'ā Silvano
 ndúucū Timoteo candéé 'nū nduudu
 cuaacu ye'e' Señor Jesucristo chí
 Daiya Dendyuūs nguéé nga'á 'nū
 chí Jesucristo mií' nga'á yā chí
 júū' 'tíicā, ní cuayiivi nguéé 'tíicā
 díí' yā. Cristo ní nga'á yā ní díí'
 yā tanducué'ē dendu'ú chí cuaacu.
²⁰Ti Cristo mií' nga'á yā chí 'tíicā,
 ye'e' nducué'ē chí Ndyuūs Chiida
 yú ca'á yā chí téé yā 'ii'nyā' ndúucū
 s'uuú' chí i'téenu yú Ndyuūs.
 Cáávā chuū idich'ēete yú Ndyuūs
 ti cucáávā Cristo ca'a yú chí 'tiicā.
²¹Ní Chiida yú díí' yā chí ndís'tií
 ndúucū nús'uu cunee diitu ca yú
 ndúucū chí i'teenu yú ye'e' Cristo.
 Ní Ndyuūs nadideevé yā s'uuú' chí
 dií' yú ntií'nyu' ye'e' yā. ²²Ndyuūs
 tee yā s'uuú' 'áámá sello ye'e' yā
 na cuerpo ye'e' yú ti ye'e' yā s'uuú'.
 Tee yā Espíritu N'dai ye'e' yā na
 staava ye'e' yú. Ní cáávā Espíritu
 N'dai ye'e' yā deenu yú chí cuuvi

ye^{'e} yú chiiⁿ chi Ndyuūs ca^{n'a} yā
chi téé yā s'uuúⁿ.

²³Nguéé cue^{'e} yāāⁿ Corinto ti
ne^{'e} yaa^{'vi} neéⁿ ndís'tii ní nguéé
ne^{'e} 'caa^{'vá} cucáávā chi 'cuētinéé
ya'ai nī. Maaⁿ ní Ndyuūs deenú yā
staava ye^{'e} ní testigo ye^{'e}. ²⁴Nguéé
ne^{'e} 'nū caa^{'má} 'nū ntiiⁿnyuⁿ ye^{'e}
nī ye^{'e} chiiⁿ chi canee chi i'téenu
nī ti 'āā canee diitú nī ndúúcū chi
i'téenu nī. Naati ne^{'e} 'nū cunneé
'nū ndís'tii. Nús'uu diiⁿ 'nū ntiiⁿnyuⁿ
ndúúcū ndís'tii ní cuuvi yeenú nī.
Ní ndís'tii snéé n'daaca nī caavā chi
i'teenú nī Jesucristo.

2 'Úú nadicádiinúúⁿ maaⁿ chi
nguéé ndaaⁿ nanááⁿ ndís'tii chi
cuuvi ndaachí nī. ²'Úú nguē ne^{'e}
ndaá nanááⁿ ndís'tii nduuti chi 'úú
idiíⁿ chi ngii ndaachi yiinú ndís'tii.
¿De'ē cúúví chi diíⁿ chi ngii ndaachi
yiinú ndís'tii ti nguéé du'ū chi
cuuvi tee yā 'úú vaadi yeenú nduuti
chi ndaachi yiinú ndís'tii? ³Chuū
idinguúⁿ ye^{'e} ndís'tii ti taachi ndaaⁿ
nguéé cu'neeⁿ ndaachi nuúⁿ cucáávā
ndís'tii ti ndís'tii cuuvi tee nī 'úú
vaadi yeenú. Véé 'viich'ētiinúúⁿ
'cúū nanááⁿ nducyáácá ndís'tii chi
vaadi yeenú chi véé ye^{'e}, maaⁿ
vaadi yeenú miiⁿ cunéé ndúúcū
nducyaaca nī. ⁴Ní taachi dinguúⁿ
ye^{'e} ndís'tii neené di'vaachi 'úú ndii
ná staava ye^{'e} ndíí tuunu chēécú.
Nguéé diíⁿ 'tuucā ti cu'neeⁿ ndaachi
yiinú ndis'tii ti ne^{'e} chi ndís'tii
cuuvi déenu nī chi neené ne^{'e} taavi
cá ndís'tii.

**Ndyuūs nadach'ēécú yā
nuu^{'ndi} ye^{'e} 'ii^{'yā}**

⁵Ndúútí chi 'aama 'ii^{'yā} diíⁿ
yā 'aama cosa chi véé de'ē cáávā

chi cu'neeⁿ ndaachi yiinú ná^{'ā}
ndís'tii 'úú ntúūⁿ cu'neeⁿ ndaachi
yiinú 'úú ndúúcū nducyáácá ndís'tii
dendu'ū 'téé nūuⁿ. 'Úú nguéé ne^{'e}
caa^{'má} ye^{'e} 'ii^{'yā} miiⁿ chi
véé cá nuu^{'ndi} ye^{'e} yā ye^{'e} chi
dinuu^{'ndi} yā. ⁶Deenú ntúūⁿ chi
n'deē cá ndís'tii 'āā n'diichí nī
nuu^{'ndi} ye^{'e} yā ní nadacádiinúúⁿ
chi 'āā véé castigo ye^{'e} 'ii^{'yā} miiⁿ,
ní nguéé diíⁿ nī más ca ndúúcū
'ii^{'yā} miiⁿ. ⁷Maaⁿ ní canéé chi
nca'á nī 'viich'ētinúuⁿ 'ii^{'yā} 'cúū
ní nadach'ēécú yā ye^{'e} 'ii^{'yā} 'cúū
ní nguéé neené taaⁿ cu'neeⁿ ndaachi
yiinú yā. ⁸Caavā chuū chi nga^{'á} chí
ndis'tii 'cuu^{'mi} nī chi diné^{'e} ca nī
'ii^{'yā} 'cúū. ⁹Nícu taachi idinguúⁿ
chuū ye^{'e} ndís'tii ye^{'e} 'ii^{'yā} 'cúū
ne^{'e} cadiinúúⁿ ní n'diichí nduuti
chi ndís'tii ní diíⁿ nī ndúúcú yā
tan'dúúcā chi 'āā nga^{'á} ngii ndís'tii
na carta ye^{'e}. ¹⁰'Úú dendú'ū ca^{'á}
inadich'ēécú nuu^{'ndi} ye^{'e} 'āā de'ē
nūuⁿ 'ii^{'yā} chi ndís'tii nadich'ēécú
yā nuu^{'ndi} ye^{'e} yā. Ní taachi 'úú
nadich'ēécú ye^{'e} yā, ní 'túúca diíⁿ
cucáávā ndís'tii ní nanááⁿ Cristo.
¹¹Nduuti chí diiⁿ yú 'túúcā tuu^{'mi} nī
yááⁿ 'n'guinúuⁿ nguéé cuuvi cuchée
sa ye^{'e} yú ti deenu yú de'ē chi
nginnche'ei sá.

**Pablo nguē yeenú yā chi
ndaa yā na yáāⁿ Troas**

¹²Taachi cue^{'e} cuaaⁿ cyuuni ní
ndaá na yáāⁿ Troas chi caa^{'má}
nduudu ye^{'e} evangelio ye^{'e} Cristo,
tuu^{'mi} ní Ndyuūs nn'guaáⁿ yā yáāⁿ
miiⁿ tan'dúúcā chi nn'guaaⁿ 'ii^{'yā}
'áámá cheendi va'āi. 'Tíicā diíⁿ
Ndyuūs cucaavā 'úú chi caa^{'má}
nduudu ye^{'e} evangelio. ¹³Ní neené

nadacadiinúúⁿ na staava ye^{n'}é ti nguéé ndaācā sa^{n'}ā Tito, hermano ye^{n'}é yú. Cáāvā chuū dííⁿ despedir 'ii^{n'}yāⁿ ye^{n'}e yāāⁿ miiⁿ ní chiicā ni cue^{n'}é na yā^{n'}āa Macedonia.

**Chæe yú ye^{n'}e nducue^{n'}é
ti ye^{n'}e Cristo s'uuúⁿ**

¹⁴Úú ní ca'á gracia Ndyuūs caati Ndyuūs ca^{n'}á yā nduucú 'nū 'āā tií nūuⁿ lugar naachi ca^{n'}á 'nū caati nús'uu cuuvi chæé 'nū ye^{n'}e nducue^{n'}é cucáāvā s'uuúⁿ ní ye^{n'}e Cristo s'uuúⁿ. Níicú Ndyuūs dííⁿ yā cáāvā nús'uu chi deenu 'nū ye^{n'}é Cristo chi cuuvi caa^{n'}máⁿ 'nū ye^{n'}e Cristo nanááⁿ nducyaaca 'ii^{n'}yāⁿ ye^{n'}e núuⁿmáⁿ i^{n'}yeeⁿdī. Ní 'ii^{n'}yāⁿ cuuvi deenú yā ye^{n'}é Cristo dendú'ū. Ní chuū ní tan'dúúcā 'áámá cosa chi n'dēēvæe ngééⁿ chi véé nducue^{n'}é yāāⁿ naachi cue^{n'}é 'nū. ¹⁵S'uuúⁿ tan'dúúcā 'áámá cosa chi n'dēēvæe ngééⁿ chi incienso nanááⁿ Dendyuūs. 'Tíicā s'uuúⁿ chi i'teenu yú Cristo. 'Tiicā ntúūⁿ s'uuúⁿ nanááⁿ 'ii^{n'}yāⁿ chi ca^{n'}á yā cu'téenu yā Jesucristo ní ca^{n'}á yā na va'ai chæeti nguuvi. Ní nanááⁿ 'ii^{n'}yāⁿ chi nguéé i'téenu yā ní ca^{n'}á yā ná vaadi n'gii cue^{n'}e daāⁿmaⁿ, ¹⁶s'uuúⁿ tan'dúúcā 'áámá cosa chi ngééⁿ chi n'díí chí 'āā ntæe n'dáaca, 'tíicā s'uuúⁿ nanááⁿ 'ii^{n'}yāⁿ chi nguéé i'téenu yā Jesucristo. Ní chuū ch'i^{n'}i chi ca^{n'}á yā 'cuuvi yā cue^{n'}e daāⁿmaⁿ. Ní s'uuúⁿ ní tan'dúúcā 'áámá cosa chi n'dēēvæe ngééⁿ ti véé vida ye^{n'}é. 'Tíicā s'uuúⁿ nanááⁿ 'ii^{n'}yāⁿ chi ca^{n'}á yā cu'téenu yā Jesucristo ni ca^{n'}á yā na va'ai chæeti nguuvi. ¿Dú'ū cuuvi díiⁿ ye^{n'}e chuū 'tuucā? ¹⁷Nús'uu ní nguéé caa^{n'}máⁿ 'nū nduudu cuaacu

ye^{n'}é Ndyuūs chi 'ii^{n'}yāⁿ nadíí'væ yā nús'uu, tan'dúúcā chi díiⁿ n'deēe n'dáí 'ii^{n'}yāⁿ. Naati Ndyuūs dich'óo yā nús'uu ní nús'uu ní caa^{n'}máⁿ 'nū nduudu miiⁿ ndúúcū núuⁿmáⁿ staava ye^{n'}é 'nū. Ní Ndyuūs inaáⁿ yā nús'uu ti dííⁿ 'nū tan'dúúcā chi Cristo ne^{n'}é yā chi dííⁿ 'nū, ti ye^{n'}é Cristo nús'uu.

Ye^{n'}e Nduudu Ngai ye^{n'}é Ndyuūs

3 Taachi dingúúⁿ 'nū chuu, ¿'áá nadacadiinúúⁿ nī chi nús'uu caa^{n'}maⁿ cá 'nū chi n'daācā idiíⁿ 'nū? O ¿'áá canee chi ndéé 'nū taama carta chi ndéē recomendación, nanááⁿ ndís'tií, o 'áámá carta chi dingúúⁿ nī chi ngíicā nī recomendación ye^{n'}é nī tan'dúúcā chi ndéé taná^{n'}ā 'ii^{n'}yāⁿ? Nguæe 'tíicā. ²Ndís'tií ní tan'dúúcā carta ye^{n'}é 'nū 'tíicā ndís'tií ti ye^{n'}é Cristo ndís'tií. Ní ndís'tií tan'dúúcā chi carta ye^{n'}é 'nū chi canéé nguūⁿ na staava ye^{n'}é 'nū 'tíicā ndís'tií. Ní 'íicú nducyáácā 'ii^{n'}yāⁿ cuuvi 'cueeⁿ yā níicú cadíínuuⁿ yā chi ndís'tií i'téenu nī Jesucristo. ³Ní nducyáácā 'ii^{n'}yāⁿ deenú yā chi ndís'tií ní tan'dúúcā 'áámá carta chi dingúúⁿ Cristo ní tee yā nús'uu 'tiicā ndís'tií cáāvā ntiíⁿnyuⁿ ye^{n'}e Cristo chi dííⁿ 'nū nanááⁿ ndís'tií. Carta miiⁿ nguéé cánéé nguūⁿ ndúúcū tinta ndíí nguéé ndúú tan'dúúcā chi Ndyuūs díiⁿ nguúⁿ yā ley na tabla ye^{n'}e tuūu ti Espíritu N'dai ye^{n'}é Ndyuūs chi canduuchi dingúúⁿ carta 'cūū staava ye^{n'}é yú.

⁴Ní seguro chi Ndyuūs ndæeve yā ndís'tií ní véé 'viichæetiinūuⁿ ye^{n'}é 'nū caati Jesucristo innee yā 'úú. Ní deenú chi dichíí'væ Ndyuūs ndúúcū

ntiiⁿnyuⁿ n'daacā chi diiⁿ cucááva Cristo. ⁵Nguéé nadacadiinúúⁿ 'nū chi cuuvi cundee yú cuidado yeⁿe nducuéⁿē chi diiⁿ yú. Ndyuūs nginnee yā nūs'uu ní tée yā poder nūs'uu ní cuuvi diiⁿ 'nū nducuéⁿē. ⁶Ndyuūs tee yā nūs'uu ntiiⁿnyuⁿ chi candee 'nū táámá compromiso yeⁿé yā chí ngai. Ní compromiso chí ngai miiⁿ nguéé yeⁿe ley yeⁿe yú chi canéé nguūⁿ ti yeⁿe Espíritu N'dai yeⁿé Dendyuūs. Nduudu yeⁿe ley yeⁿe yú diiⁿ chi condenado s'uuúⁿ ní 'cuuvi yú naati Espíritu N'dai miiⁿ itee vida cueⁿe daāⁿmaⁿ s'uuúⁿ.

⁷Ley yeⁿē yú chi Ndyuūs dingúúⁿ yā na tabla yeⁿe tuūu nanááⁿ Moisés ní dichí'íve chi deenu yú chi véé nuuⁿndi yeⁿe yú, ní chindai yú. Ní taachi ndaā ley miiⁿ chi deēve n'dai ca yeⁿé Ndyuūs tuu'mi ní ngii na naaⁿ Moisés miiⁿ. Ní 'iiⁿyāⁿ yeⁿe Israel nguéé cuuvi n'diichí yā naaⁿ Moisés miiⁿ cáávā chi neené deēve ngii naáⁿ yā, naati deēvé miiⁿ na naáⁿ yā 'āā ntuūví. ⁸Taachi ndaā ley miiⁿ ní deēvé cá ngii ní chó'oo deēve yeⁿē 'áá nguéé cuuvi ch'ete n'dái cá ngii ntiiⁿnyuⁿ yeⁿe Espíritu N'dai yeⁿé Ndyuūs nguéé ti ntiiⁿnyuⁿ yeⁿe ley miiⁿ? ⁹Ní nduuti chí ntiiⁿnyuⁿ yeⁿe ley miiⁿ chi deēvéé n'dai ní diiⁿ condenar 'iiⁿyāⁿ chí ndai yā, tuu'mi ní 'áá nguéé más cā ch'ete taavi cá ngii ntiiⁿnyuⁿ yeⁿé nduudu yeⁿé Ndyuūs ndúúú Espíritu N'dai ti diiⁿ yā aceptar 'iiⁿyāⁿ nguéé ti ley miiⁿ? 'Tífcā váá. ¹⁰Caati 'aara chí deēvé n'dai ley miiⁿ nguéé deēvé chíi chi cuuvi tan'dúúú cá chi deēvé n'dai ca yeⁿé Ndyuūs. Maaⁿ ní ley miiⁿ canee tan'dúúú cá chi nguéé deēvéé n'dai. ¹¹Caati chí ley miiⁿ chí deēvéé

ní cunee 'áámá tiempo nūuⁿ tuu'mi ní chuunee deēvéé taavi cá nduudu yeⁿé Ndyuūs chíiⁿ chí 'áámá cūnee.

¹²Cáávā chuū deenúⁿ 'nū chi compromiso chí ngai canéé cueⁿe daāⁿmaⁿ ní 'tífcā cuuví. Maaⁿ ní caaⁿmaⁿ 'nū nduudu ngai yeⁿé Ndyuūs ní nguéé 'va'a 'nū mar 'áámá. ¹³Nguéé diiⁿ 'nū tan'dúúú cá chí diiⁿ Moisés taachi sндуú yā 'áámá velo naáⁿ yā ti 'iiⁿyāⁿ Israel nguéé cuuvi snáaⁿ yā naaⁿ Moisés miiⁿ cucáávā deēve yeⁿe Ndyuūs chí canéé na náaⁿ yā. Deēvé miiⁿ nguéé chíiⁿ 'naaⁿ. ¹⁴Ní 'iiⁿyāⁿ Israel s'eeⁿ nguéé tuumicadiinúúⁿ yā yeⁿe deēvéé chí canéé náaⁿ Moisés miiⁿ. Ndií nguuví 'cūū taachi 'iiⁿyāⁿ Israel s'eeⁿ ch'eeⁿ yā compromiso ndiicúū miiⁿ, nguēe cuuvi deenú yā caati canéé yā tan'dúúú cá chí canéé 'aama velo na naáⁿ yā. Velo miiⁿ Cristo diiⁿ chí chó'oo yeⁿē. ¹⁵Ndií nguuví 'cūū taachí 'iiⁿyāⁿ s'eeⁿ 'cueeⁿ yā ley yeⁿe Moisés, cunee velo miiⁿ ti nan'gaadí vaanicadiinūuⁿ yeⁿe yā. ¹⁶Ní ndií taachi cu'téenu yā Señor Jesucristo Daiyá Dendyuūs tuu'mi ní velo miiⁿ ní cuavii. ¹⁷Señor miiⁿ ní Espíritu yeⁿe Cristo. Ní naachi véé Espíritu miiⁿ yeⁿe Señor miiⁿ tuu'mi ní 'iiⁿyāⁿ canéé libre yā. ¹⁸Maaⁿ ní cáávā chuū nducyaaca yú nguéé snee yú tan'dúúú cá chí véé 'áámá velo na naaⁿ yú. Maaⁿ ní 'iiⁿyāⁿ n'diichi yā deēve yeⁿe Señor Jesucristo yeⁿe yú na vida yeⁿe yú ti s'uuúⁿ tan'dúúú cá 'áámá espejo, 'tífcā s'uuúⁿ. Ní taachi n'diichi yú Señor Jesucristo yeⁿē yú tuu'mi ní n'daaⁿ vida yeⁿe yú chí cuuvi tan'dúúú cá vida yeⁿé Cristo. Ní cūnee ngiinu yú chí n'daaⁿ vida

yeⁿe yú tan'dúúcā chi ch'ēete ca
dēēve vida yeⁿē Señor Jesucristo
yeⁿē yú. Chuū chi idiíⁿ Espíritu
yeⁿe Cristo cáávā s'uuúⁿ.

4 Deenu yú chi Señor Jesucristo
tee yā s'uuúⁿ cosas chi n'dai
ca. Cáávā chuū dííⁿ 'nū ntiiⁿnyuⁿ
yeⁿé yā ní caaⁿmaⁿ 'nū nduudu
cuaacu yeⁿé yā ní nguēē cuuvi
cúunū 'nū. ²Maaⁿ ní nguēē dííⁿ 'nū
cosas chi nguēē n'daaca chi cuuvi
snááⁿ 'iiⁿyāⁿ, cosa chi dííⁿ 'nū chi
'cuináaⁿ 'nū nanááⁿ 'iiⁿyāⁿ. Ní nguēē
cachiicá 'nu nginnche'élí 'nū 'iiⁿyāⁿ.
Ní nguēē ndastaⁿá 'nū nduudu
cuaacu yeⁿé Ndyuūs ndúúcū
nduudu yaadi. 'Tíicā idiíⁿ 'nū ní
caaⁿmaⁿ 'nū dámaāⁿ nduudu cuaacu
yeⁿé Dendyuūs ní cuuvi deenú
nducyaaca 'iiⁿyāⁿ, ní Dendyuūs
n'diichí yā nús'uu. ³Nduuti chi
'iiⁿyāⁿ nguēē ituumicádiinuuⁿ yā
nduudu cuaacu chi ngaⁿá 'nū tuu'mí
ní 'iiⁿyāⁿ miiⁿ nguēē i'téenu yā
Señor Jesucristo yeⁿē yú ní cuuvi
ndái yā. ⁴'Iiⁿyāⁿ nguēē i'téenu yā
Señor Jesucristo caati ndyuūs yeⁿē
iⁿ'yeeⁿdí 'cūū chi yááⁿn'guiinūⁿ
n'gaadi sá ná vaadi cadiinúúⁿ yeⁿe
yā, caati yaaⁿn'guiinūⁿ nguēē
n'gúúⁿ sá chi n'diichí yā dēēve yeⁿe
Dendyuūs. Maaⁿ ní 'iicu 'iiⁿyāⁿ
nguēē snaaⁿ yā dēēv' n'dai yeⁿe
nduudu yeⁿe Cristo chí dēēve.
Ní s'uuúⁿ taachí inaaⁿ yú Cristo
miiⁿ inaaⁿ yú Ndyuūs. ⁵Ní taachi
ngaⁿá 'nū nduudu yeⁿe Dendyuūs
nguēē ngaⁿá 'nū nduudu yeⁿe
maá 'nū ti ngaⁿá 'nū chi Jesucristo
miiⁿ ní Señor yeⁿē yú. Tii nús'uu
ní dichíí'v' 'nū ndís'tii cucáávā
chi Cristo neⁿé yā nducyaaca
'iiⁿyāⁿ. ⁶Ní taachi Ndyuūs din'dái

yā iⁿ'yeeⁿdí ngaⁿa yā 'tíicā: Yeⁿe
naachí maaiⁿ miiⁿ canéé dēēve.
Maaⁿ Ndyuūs miiⁿ ní dííⁿ yā chi
dēēve miiⁿ canéé na staava yeⁿé 'nū.
Ní ndúúcū dēēve miiⁿ cuuvi deenú
'nū vaadi deenu yeⁿé Ndyuūs chí
n'dai taavi ca. Ní nús'uu n'diichí 'nū
dēēve yeⁿé Ndyuūs taachi n'diichí
'nū naaⁿ Jesucristo miiⁿ.

Vida yeⁿé 'iiⁿyāⁿ chi i'téenu yā Jesucristo

⁷Ní nduudu cuaacu yeⁿe Ndyuūs
chi i'téenu 'nū canéé na staava
yeⁿe 'nū tan'dúúcā tesoro 'tíicā. Ní
'áará chi cuerpo yeⁿé 'nū tan'dúúcā
'cuutí yáⁿaa chi nguēē dēēvéé,
nú'suu ch'iⁿí 'nū cáávā ntiiⁿnyuⁿ
chi dííⁿ 'nū chi poder chi cānee
nduucú 'nū ní ch'ēete ca ní yeⁿé
Ndyuūs. Ní nguēē yeⁿē nús'uu.
⁸'Áará chi nduū cuaaⁿ n'geenú 'nū
ngii mar 'áámá naāⁿ nguēē diíⁿ chi
dúú'va 'nū. 'Áará chi n'deeé nááⁿ
inadacádiinúúⁿ 'nū deenú chēē chi
dííⁿ 'nū. ⁹'Áará chi 'iiⁿyāⁿ ní n'daa
yā chi neⁿe 'caaⁿnúⁿ yā nús'uu
Dendyuūs canee yā nduucú 'nū.
'Áará chi 'iiⁿyāⁿ cun'dáa yā nús'uu
na yáⁿaa nguēē 'cuūvi 'nū. ¹⁰Áā tíí
nūuⁿ cuááⁿ naachi caⁿá 'nū cueⁿe
daāⁿmaⁿ canee na staava yeⁿé 'nū
chi cuuvi 'cuūví 'nū tan'dúúcā chi
ch'ií Señor Jesucristo yeⁿe yú. Ní
'íicú 'iiⁿyāⁿ cuuvi n'diichí yā chi
Jesucristo nadanguáⁿai yā nús'uu.
Ní cuuvi deenú yā chí Jesucristo
canduuchí yā. ¹¹Ní nducuéⁿe
tiempo chi sндуuchí 'nū na iⁿ'yeeⁿdí
'cūū deenú 'nū chi cuuvi 'cuuví 'nū
cucáávā chi nús'uu dííⁿ 'nū ntiiⁿnyuⁿ
yeⁿe Cristo. Ní 'íicú 'iiⁿyāⁿ cuuvi
n'diichí yā chi poder yeⁿe Cristo

Jesús canéé ndúúcu nús'uu. ¹²Tíicā ní vaadī n'gii dii' n'ntii'nyu' ye'ē na vida ye'ē nū 'tiicā ntuū' vida cue'ē daā'ma' dii' n'ntii'nyu' ye'ē na vida ye'ē ndís'tii.

¹³Tíicā canéé nguū' na libro ye'ē Ndyuūs ndii cuáá' vmnaa': 'Úú i'teenú, ní cáávā chii' chi nga'á. Ní 'tiicā ntúū' nús'uu i'téenu nū ní cáávā chuū nga'á nū. Ní daama chi'téenu nū ndúúcu yā. ¹⁴Caati deenu yú chi 'ii'yā' chi nadacuée' yā Señor Jesucristo ye'ē nguaa' tina'ā, 'ii'yā' mii' nadacuée' ntúū yā s'uuú' ye'ē nguaa' tiná'ā. Ní Dendyuūs candéé yā nús'uu ndúúcu ndís'tii nanáá' Jesucristo. ¹⁵Nducué' chi dii' nū ní cucáávā chi ndís'tii cuuvi cuta'á nī tanducué'ē chí n'dai. Ní 'íicú n'deeé 'náá' 'ii'yā' cuuvi cuta'á yā cosa chi n'dai ye'ē Dendyuūs. Ní n'deeé n'dái 'ii'yā' cuuvi caa'ma'ngua'á yā, ní ca'a yā gracia, Dendyuūs, ní cuuvi ch'ēete cá yā Dendyuūs chi dēēve taavi ca.

¹⁶Cáávā nducué'ē chuū nguéé ngii cúunu yú 'aara chi cuerpo ye'ē yú n'gii néé' nguuvī nguuvī naati Dendyuūs téé yā fuerzas s'uuú' nguuvī nguuvī. ¹⁷Níicú chuū chi n'geenú yú ngii na i'nyee'dí 'cūū nguéé ch'ēete ní nuu' nūū' ch'ó'oo, ní dii' cáávā s'uuú' chi véé ye'ē yú 'aama lugar chí n'dēēve n'dai ca ní n'dēē ca chi 'áamá cunee cue'ē daā'ma'. ¹⁸Maa' ní nguēē dii' yú cuenta ye'ē dendu'ū chi inaa' yú ti chíí' chí inaa' yú ní ngo'o yé'ē. Naati chíí' chi nguéé inaa' yú cunee cue'ē daā'ma'.

5 Maa' ní deenu yú chi cuerpo ye'ē yú 'cuiinu ti tan'dúúca

'áamá va'ai chi nguéé 'áamá cūnee 'tíicā cuerpo ye'ē yú naati Ndyuūs idin'dái yā 'aama va'āi ye'ē yú ná va'ai chēeti nguuvī chí 'áamá cūnee. Ní nguéé sa'ā ye'ē i'nyee'dí 'cūū din'dái sa ndúúcu ta'a sa va'ai mii'. ²Maa' ní chí n'dai yiinu yú ti nééne ne'ē yú n'daa' yú cuerpo ye'ē yú ní snee yú na va'ai chēeti nguuvī ndúúcu cuerpo ngai ní dēēve chi ye'ē va'ai chēeti nguuvī. ³Nguuvī mii' ní Ndyuūs ca'á yā chí téé yā 'aama cuerpo ngai ye'ē yú chí tan'dúúca chí 'aama vestido. Ní Ndyuūs nguéé cuuvi ndaacá yā s'uuú' chí nguéé chí dēēve cuerpo ye'ē yú. ⁴Ne'ē chí snée yú na i'nyee'dí 'cūū na va'ai ye'ē yú chí cuerpo ye'ē yú, nandái yiinu yú ti n'geenu yú ngii. Nguéé cucaavā chí ne'ē yú chí cuerpo ndiicúū ye'ē yú 'cuuvī naati ne'ē yú chí Ndyuūs téé yā chí'caadí na cuerpo ye'ē yú chí ngai chí tan'dúúca chí catecai ngai yú. Ní 'iicú cuerpo ndiicúū ye'ē yú ye'ē i'nyee'dí 'cūū ní 'cuiinu ti snée yú ndúúcu cuerpo chí ngai ní véé vida cue'ē daā'ma' ye'ē yú. ⁵Ní cáávā chuū ní Ndyuūs ch'iindiyaá' yā ye'ē yú cuerpo chí ngai ní tee yā Espíritu N'dai ye'ē yā s'uuú' chí cuuvi deenu yú chí cuaacu chí tee yā chuū chí cuuvi ye'ē yú.

⁶Tíicā rā va, cue'ē daā'ma' véé confianza ye'ē yú ndúúcu Dendyuūs. Deenu yú chí ne'ē chí snée yú na i'nyee'dí 'cūū ndúúcu cuerpo ndiicúū ye'ē yú nguéé cuuvī cunee yú ndúúcu Señor ye'ē yú na va'ai chēeti nguuvī. ⁷Maa' ní chii' chí dii' yú, dii' yú ti i'teenú yú Jesucristo ní nguéé idii' yú cucáávā chí n'diichi yú cosa chí

ye^{n'}ē i^{n'}yee^{n'}dí 'cūū. ⁸Íícu v̄e
 confianza ye^{n'}ē yú. Ne^{n'}e yú ca^{n'}a yú
 ye^{n'}ē vaacu yú chi cuerpo ndiicū
 ye^{n'}e yú ní cunee yú ndúúcu cuerpo
 ngai ye^{n'}e yú na va'ai ch̄eti nguuv
 ndúúcu Señor ye^{n'}ē yú. ⁹Cáávā chuū
 ne^{n'}e yú dii^{n'} yú cue^{n'}e daa^{n'}ma^{n'} chii^{n'}
 chi Ndyuūs ne^{n'}é yā chi dii^{n'} yú
 nduuti chi snée yú na va'āi ye^{n'}e yú
 na i^{n'}yee^{n'}dí 'cūū o nduuti chi snée
 yú na va'āi ye^{n'}e yú na va'āi ch̄eti
 nguuv ndúúcu Señor Jesucristo.
¹⁰Ti 'tíicā nducyaaca yú canee chi
 na^{n'}a yú nanáá^{n'} juez chi Cristo ní
 'íícu ca'aama ca'aama s'uuú^{n'} cuuvi
 cuta'ā yú chuū chi cuuvi ye^{n'}ē yú
 tan'dúúca chi dii^{n'} yú ntii^{n'}nyu^{n'} ye^{n'}é
 yā ne^{n'}e chi snée yú na cuerpo
 ndiicū ye^{n'}e yú na i^{n'}yee^{n'}dí 'cūū,
 nduuti chi ntii^{n'}nyu^{n'} chi n'daacā o
 nguē n'daacā.

Nduudu cuaacu ye^{n'}e vaadi 'diii^{n'}

¹¹Nús'uu ní deenú 'nū chi Señor
 Jesucristo ca^{n'}á yā n'diichí yā
 nducyaaca 'ii^{n'}yā^{n'}. Ní ne^{n'}é 'nū díí^{n'}
 'nū n'daacā. Ní cáávā chuū ní nús'uu
 diitu díí^{n'} 'nū nducué^{n'}ē chi ch'i^{n'}í 'nū
 'ii^{n'}yā^{n'} chi nga^{n'}á 'nū nduudu cuaacu
 ye^{n'}e Señor Jesucristo. Ndyuūs
 déenu yā chii^{n'} chi díí^{n'} 'nū ní cunee
 ngiinú 'nū chi ndís'tii cuuvi déenu
 nī chuū dendu'ū. ¹²Nguéé nga^{n'}á 'nū
 taama vmné^{n'}ēe ye^{n'}e vida ye^{n'}é 'nū
 nanáá^{n'} ndís'tii naati ca'á 'nū 'áámá
 lugar ndís'tii ti cuuvi caa^{n'}má^{n'} nī
 chi n'daacā idif^{n'} 'nū. Nga^{n'}á 'nū
 nduudu cuaacu nanáá^{n'} ndís'tii. Maa^{n'}
 ní 'iicu ndís'tii cuuvi nan'guēcútá^{n'}a
 nī ye^{n'}e 'ii^{n'}yā^{n'} chi itiinguuneé^{n'} nī,
 'ii^{n'}yā^{n'} chi nga^{n'}a yā ye^{n'}e maá^{n'} yā
 chi n'daacā yā tan'dúúca chi taná^{n'}ā
 'ii^{n'}yā^{n'} snaa^{n'} yā, ní 'ii^{n'}yā^{n'} mii^{n'} nguéé

nacádiinúú^{n'} yā ye^{n'}ē chíí^{n'} chi v̄e
 na staava ye^{n'}é yā. ¹³Ní nduuti
 chi nadacadiinúú^{n'} nī chi nús'uu
 tan'dúúca loco nús'uu, 'tíicā nga^{n'}á
 'nū ní díí^{n'} 'nū chi Ndyuūs ní ch̄et̄é
 yā nanáá^{n'} ndís'tii. Ní nduuti chí
 nguéé loco 'nū ní cáávā chi díí^{n'} 'nū
 ntii^{n'}nyu^{n'} ye^{n'}e Ndyuūs cucáávā
 ndís'tii. ¹⁴Jesucristo nga^{n'}a ntii^{n'}nyu^{n'}
 ye^{n'}é 'nū ti ne^{n'}é yā nús'uu. Deenu
 yú chi cuaacu chi 'áámá sa^{n'}a chi
 Cristo ch'i^{n'} sa, ní cucáávā sa^{n'}ā
 mii^{n'} ní tan'dúúca chi nducyaaca
 'ii^{n'}yā^{n'} ní ch'i^{n'}. ¹⁵Tíicā Cristo ch'i^{n'}
 yā cucáávā nducyaaca 'ii^{n'}yā^{n'} maa^{n'}
 ní 'ii^{n'}yā^{n'} chi snée yā na i^{n'}yee^{n'}dí
 'cūū. 'Ii^{n'}yā^{n'} s'ee^{n'} 'āā ntéé snée yā
 cucáávā vida ye^{n'}e maá^{n'} yā caati
 snée yā ye^{n'}e Jesucristo chi ch'i^{n'} yā
 ní nduuchi ntuu^{n'} yā ye^{n'}e nguaa^{n'}
 tiná^{n'}ā cucáávā 'ii^{n'}yā^{n'}. ¹⁶Maa^{n'} ní
 cáávā chuū chi chó'oo nús'uu nguéé
 inaá^{n'} 'nū 'téé ye^{n'}ē 'ii^{n'}yā^{n'} tan'dúúca
 taná^{n'}ā 'ii^{n'}yā^{n'} ye^{n'}ē i^{n'}yee^{n'}dí 'cūū.
 Tiempo chi 'āā chó'oo nús'uu inaá^{n'}
 'nū Cristo ndúúcu ye^{n'}ē chi díí^{n'} yā
 taachi canee yā na i^{n'}yee^{n'}dí 'cūū
 naati maa^{n'} ní nguē inaá^{n'} 'nū 'tíicā.
 Inaá^{n'} 'nū chi Cristo ní Ndyuūs.
¹⁷'Tíicā ní 'ii^{n'}yā^{n'} chi i'téenu yā
 Cristo ní ye^{n'}é Cristo. Ní 'ii^{n'}yā^{n'} mii^{n'}
 'áámá 'ii^{n'}yā^{n'} ngai. Cosas chi díí^{n'}
 yā vmnaa^{n'} nguéé díí^{n'} yā maa^{n'} ti
 nducué^{n'}ē chí díí^{n'} yā ní ye^{n'}e vida
 ngai ye^{n'}e yā.

¹⁸Ní tanducue^{n'}ē chúū ní Ndyuūs
 díí^{n'} yā. Cucáávā Cristo mii^{n'} ní
 Ndyuūs díí^{n'} yā chi s'uuú^{n'} ní ye^{n'}é
 yā s'uuú^{n'} ní nguéé contra ye^{n'}e yā
 s'uuú^{n'}. Ní Ndyuūs nga^{n'}a ntii^{n'}nyú^{n'}
 yā ye^{n'}é 'nū chi caa^{n'}má^{n'} 'nū nduudu
 ye^{n'}é yā chi 'ii^{n'}yā^{n'} na i^{n'}yee^{n'}dí 'cūū
 cuuví ye^{n'}é yā 'ii^{n'}yā^{n'}. ¹⁹'Tíicā canee

chi caaⁿ máⁿ 'nū nduudu cuaacu yeⁿe Cristo chi 'iⁿ'yāⁿ s'eeⁿ cuuvi yeⁿé yā 'iⁿ'yāⁿ. Ní cucáāvā Cristo miiⁿ Ndyuūs diíⁿ yā chi véé vaadī 'diiíⁿ nguaaⁿ 'iⁿ'yāⁿ nduucú yā. Ní nguéeⁿ diíⁿ Ndyuūs cuenta yeⁿe nuuⁿndi yeⁿe 'iⁿ'yāⁿ s'eeⁿ. Nícu Ndyuūs tee yā nús'uu ntiiⁿnyuⁿ chi caaⁿ máⁿ 'nū nduudú 'cūū yeⁿé yā chi vaadī 'diiíⁿ. ²⁰Maaⁿ ní 'tíicā ndaá 'nū nanááⁿ ndís'tií ndúúcū nduudu yeⁿe Cristo ní caaⁿ máⁿ 'nū nduudu miiⁿ na lado yeⁿe Ndyuūs. Ní tan'dúúcā chi Cristo ngaⁿá yā chi ndaacadaamí nī, cáāvā chuū nús'uu ngiicá 'nū ndís'tií cááva Cristo chi ndaacadaamí nī yeⁿe nuuⁿndi yeⁿé nī ní 'íicú véé vaadī 'diiíⁿ yeⁿe ndís'tií ndúúcū Ndyuūs. ²¹Cristo nguéeⁿ dinuuⁿndí yā mar 'áámá. Caati cucáāvā s'uūuⁿ Ndyuūs diíⁿ cuenta yā ní diíⁿ yā tan'dúúcā chi Cristo dinuuⁿndí yā. Ní 'íicú taachi yeⁿe Cristo s'uūúⁿ Ndyuūs n'diichí yā s'uūúⁿ chi nduuví n'dai vida yeⁿé yū nanááⁿ yā.

6 'Tiicá ntúūⁿ nús'uu diíⁿ 'nū ntiiⁿnyuⁿ tan'dúúcā chi ntiiⁿnyuⁿ chi neⁿe Ndyuūs. Ngiiicá 'nū ndís'tií chi cutaⁿá nī vaadī n'dai chi itée Ndyuūs chi vaadī n'dai chi Ndyuūs ch'iⁿ'í yā s'uūúⁿ. ²Caati 'tíicā Ndyuūs ngaⁿá yā. Ní canée nguūⁿ na libro yeⁿé yā:

'Úú ch'iindiveéⁿ nduudu yeⁿé nī tiempo chi n'daacā. Ní chinneeⁿ ndís'tií nguuvi chí nanguaⁿái nī.

Nguuvi 'cūū ní 'áámá nguuvi chi cuuvi n'dai cáāvā ndís'tií, nguuvi 'cūū ní nguuvi chi cuuvi nanguaⁿai nī.

³Maaⁿ ní nguéeⁿ diíⁿ 'nū mar 'áámá cosa chi di'vaachí 'iⁿ'yāⁿ ti 'iⁿ'yāⁿ

cuuvi caaⁿ máⁿ yā chi ntiiⁿnyuⁿ yeⁿe Ndyuūs chi diíⁿ 'nū nguéeⁿ n'daacā. ⁴Naati diíⁿ 'nū nducuéⁿé ntiiⁿnyuⁿ miiⁿ chi n'daacā ti neⁿé 'nū ch'iⁿ'í 'nū nducyáácá 'iⁿ'yāⁿ chi ntiiⁿnyuⁿ chi diíⁿ 'nū ní yeⁿe Ndyuūs. Ní cucáāvā ntiiⁿnyuⁿ miiⁿ chi cheé 'nū yeⁿe nducuéⁿé chi ch'eenú 'nū chií nguuvi nguuvi. Ní néené n'deée dendu'ū chííⁿ chí di'vaachi nús'uu ndúúcū chi véé necesidades yeⁿé 'nū ndúúcū vaadī 'caa'va. ⁵Ní ch'eⁿé yā nús'uu chí cu'néeⁿ yā nús'uu na vacūū. Ní neené 'yaaⁿ 'iⁿ'yāⁿ nduuvidaamá yā yeⁿe chi neⁿe 'cueⁿe yā nús'uu. Ní diíⁿ 'nū n'dee n'dái ntiiⁿnyuⁿ chi néené díitū. Ní cho'ōo 'nááⁿ nguuvi chi nguéeⁿ cheetiyaadú 'nū, ní nguéeⁿ che'e 'nū va. ⁶Níicú nducuéⁿé dendu'ū chuū ní ch'iⁿ'í 'nū 'iⁿ'yāⁿ chi vida yeⁿé 'nū ní n'daacā. Ní ch'iⁿ'í 'nū chi deenú 'nū nduudu cuaacu yeⁿé Ndyuūs. Ní diíⁿ 'nū ntiiⁿnyuⁿ miiⁿ ndúúcū vaadī ngiínū ní ndúúcū vaadī n'dai. Ní diíⁿ 'nū nducuéⁿé cucáāvā Espíritu N'dai yeⁿé Ndyuūs canee nduucú 'nū. Diíⁿ 'nū túúcā ti cuaacu ní'nyúⁿ dineⁿé 'nu nducyaaca 'iⁿ'yāⁿ. ⁷Ní ngaⁿá 'nū nduudu cuaacu cucáāvā poder yeⁿe Ndyuūs chi canee nduucú 'nū ní caavā chi n'daacā canee 'nū nanááⁿ Ndyuūs. 'Tíicā diíⁿ 'nū. Ní diíⁿ 'nū defender nús'uu ndúúcū vaadī cuaacu. Ndúúcū vaadī cuaacu miiⁿ ní tan'dúúcā chi ndéeⁿ 'nū 'áámá machete chí 'uūvi lados 'caāiⁿ ní diíⁿ 'nū defender nús'uu nduucú. 'Tíicā diíⁿ 'nū. ⁸Ní náⁿá 'iⁿ'yāⁿ ngaⁿá yā chí n'dái 'nū ní tanáⁿa yā ngaⁿá yā chi nguéeⁿ n'dái 'nū. Ní náⁿá 'iⁿ'yāⁿ ngaⁿá n'daaca yeⁿé 'nū ní tanáⁿa yā nguéeⁿ ngaⁿa n'daaca

ye^{ní}é 'nū. 'Áámá tiempo ní dííⁿ yā tratar nduucú 'nū tan'dúúcā chi nga^{ní}á 'nū nduudu yaadi ní taama tiempo tan'dúúcā chi nga^{ní}á 'nū chi cuaacu. ⁹Ní 'áámá tiempo 'ii^{ní}yāⁿ dííⁿ yā tan'dúúcā chi nguée^{ní}ndiichí yā nús'uu 'tíicā dííⁿ yā, ní táámá tiempo dííⁿ yā tan'dúúcā chi nús'uu amigos ye^{ní}é yā, 'tíicā dííⁿ yā. Ní n'dee n'dái tiempo cuuví 'cuūvi 'nū ní nguée^{ní} 'cuūvi 'nū. Ní tee yā nús'uu 'áámá castigo chi neené díítū n'dee n'dái tiempo naati nguée^{ní} 'caa^{ní}núⁿ yā nús'uu. ¹⁰Áará chí di'vaachí yā nús'uu, nús'uu ní yeenú 'nū. 'Áará chi pobre nús'uu, dííⁿ 'nū ntii^{ní}nyuⁿ ni n'dee n'dái 'ii^{ní}yāⁿ vée^{ní} vaadi 'cuica ye^{ní}é yā. 'Áará chi nguée^{ní} de^{ní}é vée^{ní} ye^{ní}é 'nū nducué^{ní}é chi vée^{ní} ní ye^{ní}é 'nū.

¹¹Ndís'tii hermanos ye^{ní}e yú ye^{ní}e yāāⁿ Corinto, dingúúⁿ 'nū nduudu ye^{ní}é 'nū ye^{ní}e nducué^{ní}é chi vée^{ní} tan'dúúcā chi vée^{ní} ca. Ní nduudu miiⁿ cachiica ye^{ní}é staava ye^{ní}é 'nū ti ne^{ní}é 'nū ndís'tii. ¹²Nús'uu ch'i^{ní}í 'nū nducué^{ní}é chi canee na staava ye^{ní}é 'nū naati ndís'tii nguée^{ní} dííⁿ nī 'túúcā nduucú 'nū ti nguée^{ní} ch'i^{ní}í nī nús'uu chi ne^{ní}é nī nús'uu ndúúcu núúⁿmáⁿ staava ye^{ní}é nī. ¹³Nús'uu ngiica 'nū ndís'tii tan'dúúcā 'áámá chiida ngiica yā daiya yā 'tíicā ngiica 'nū ndís'tii ti cuuví diné^{ní}e nī nús'uu ndúúcu núúⁿmáⁿ staava ye^{ní}é nī. Ní ndís'tii cuuví caa^{ní}máⁿ nī nduudu cuaacu ye^{ní}é nducué^{ní}é tan'dúúcā chi nús'uu dííⁿ 'nū ndúúcu nī.

Cuerpo ye^{ní}e yú miiⁿ ní yáacū ye^{ní}é Ndyuūs chí canduuchi

¹⁴Ndís'tii, nguée^{ní} ca^{ní}á nī ndúúcu 'ii^{ní}yāⁿ chí nguée^{ní} i'téenu yā

Jesucristo ti nguée^{ní} cuuvi dííⁿ nī dáámá ntii^{ní}nyúⁿ ndúúcu yā. Ní dííⁿ nī tan'dúúcā 'áámá yunta chí nguée^{ní} daamá tī, 'tíicā dííⁿ nī. ¿Áá cuuví cuuvi dáámá chí n'daācā ndúúcu chí nguée^{ní} n'daācā? O ¿áá daama canee chí deēve ndúúcu chí maāi^{ní}? Nguée^{ní} cuuvi. ¹⁵¿Áá cuuvi nduuvidaamá Cristo ndúúcu Satanás? O ¿áá daama vee parte ye^{ní}e 'ii^{ní}yāⁿ chí i'téenu yā Cristo ndúúcu 'ii^{ní}yāⁿ chí nguée^{ní} i'téenu yā Cristo? Nguée^{ní} cuuvi. ¹⁶¿Áá nduuvidaama templo ye^{ní}e Ndyuūs ndúúcu ídolos? Nguée^{ní} cuuvi. Cuerpo ye^{ní}e ndís'tii ní yaacū ye^{ní}é Ndyuūs. Ndyuūs maáⁿ yā nga^{ní}a yā na libro ye^{ní}é yā 'tíicā:

'Úú Ndyuūs canee nduucú 'ii^{ní}yāⁿ ye^{ní}é ní cachiica nguaaⁿ 'ii^{ní}yāⁿ ye^{ní}é. 'Úú ní cuuvi Ndyuūs ye^{ní}é yā ní 'ii^{ní}yāⁿ cuuvi 'ii^{ní}yāⁿ ye^{ní}é.

¹⁷Cááva chuū Ndyuūs nga^{ní}á yā ní canee nguūⁿ 'tíicā:

Nan'dáa nī nguaaⁿ 'ii^{ní}yāⁿ s'ee^{ní} ní divíi nī ye^{ní}e 'ii^{ní}yāⁿ s'ee^{ní}. 'Tíicā nga^{ní}a Señor iivú Ndyuūs. Nguée^{ní} tuu^{ní}ví nī dendu^{ní} chí vaatíi. Ní 'iicu 'úú Ndyuūs dííⁿ aceptar ndís'tii.

¹⁸Ní 'úú Ndyuūs cuuví Chiidá nī. Ní ndís'tii cuuvi daiyá ndís'tii, 'tíicā nga^{ní}a iivú Ndyuūs caati nducué^{ní}é poder chí vée^{ní} ní ye^{ní}é yā.

7 'Tíicā ndís'tii hermanos ye^{ní}é chí neené ne^{ní}é. Nducué^{ní}é chuū ní promesa chí Ndyuūs téé yā s'uūuⁿ. Cááva chuū canee ntúuⁿ chí dííⁿ yú ndúúcu cuerpo ye^{ní}é yú ní ndúúcu espíritu ye^{ní}é yú nducué^{ní}é chí n'daacā 'iicu ní deēve yú. Ní

nguée diiⁿ yú mar 'áamá cosa chi nguée n'daacā ti vee nuuⁿndí yeⁿē yú. Ní neⁿé chi canduuchi yú na iⁿ'yeeⁿdí 'cūū canee chi diiⁿ yú chi dēēve ca yú tan'dúúca chi neⁿe Ndyuūs. 'Tíicā diiⁿ yú ti 'va'a yú Ndyuūs.

'Iiⁿ'yāⁿ chi i'teenú yā Cristo na yáaⁿ Corinto nanguēcunée yā dín'daacá yā

²Maaⁿ ní ngiica 'nū ndís'tií chi 'cuáaⁿ nī nduudu yeⁿé 'nū na staava yeⁿé nī. Nús'uū nguēe diiⁿ daño 'nū yeⁿē mar 'áamá nī, ndíí nguée diiⁿ 'nū chi diiⁿ nuuⁿndí nī ndíí nguée nginnche'ái 'nū mar 'áamá 'iiⁿ'yāⁿ. ³'Úú nguēe ngaⁿ'á chuū ti diiⁿ condenar ndís'tií chi nguée n'daacā nī. Naati tan'dúúca chi ngaⁿ'á vmnááⁿ vmnaaⁿ, neⁿé taavi ndís'tií. Ní canee yú tan'dúúca chi daama snée yú. 'Tiicā ntúūⁿ ní canduuchi yú daama vida yeⁿē yú na iⁿ'yeeⁿdí 'cūū ní dáámá 'cuūvi yú. ⁴Vee 'viich'étéiinúúⁿ n'dai yeⁿé ndúúcu nī ní yeenú yeⁿe nī. Ní maaⁿ ní ndúúcu nducuéⁿē chi ch'eenú chii nguée di'vaachi 'úú ti nééné vée vaadi yeenú yeⁿé.

⁵Ní ndíí tiempo taachi ndaa 'nū na yáⁿ'aa Macedonia nguée ntaavi'tuūnuúⁿ cuerpo yeⁿé 'nū naati n'geenú 'nū ngíí nducuéⁿē cuaaⁿ. Ní nguⁿ'u 'iiⁿ'yāⁿ nduucú 'nū ní di'va'a 'nū na staava yeⁿé 'nū. ⁶Naati Ndyuūs chi ca'a yā 'viich'etífínūuⁿ 'iiⁿ'yāⁿ chi chicuūnú, maaⁿ Ndyuūs ní tee yā 'viich'etífínūuⁿ nús'uu taachi ndaa saⁿ'ā Tito hermano yeⁿé 'nū. ⁷Nguée dámaāⁿ caavā chi ndaa saⁿ'ā Tito miiⁿ ti cáavā chi chiiⁿ sá chi ndís'tií

ca'a nī 'viich'etífínūuⁿ saⁿ'ā miiⁿ. Ní saⁿ'ā miiⁿ yaa'vi sá nús'uu chi ndís'tií neené neⁿé nī n'diichi nī nús'uu, ní neene dindaachí nī yeⁿé 'nū ndii ná stááva yeⁿé nī. Ní neené neⁿé nī diiⁿ nī nducuéⁿē chi 'úú neⁿé chi diiⁿ nī. Ní cucáávā chííⁿ ní yeenú taavi ca.

⁸Vmnááⁿ vmnaaⁿ diiⁿ sentir yeⁿe carta chi dingúúⁿ yeⁿé nī. 'Aara chi s'neeⁿ ndaachi yiinu nī cáávā carta miiⁿ. Maaⁿ ní nguée diiⁿ sentir yeⁿe chi dingúúⁿ yeⁿé nī. Vmnaaⁿ vmnaaⁿ nduuti chi s'neeⁿ ndaachí núúⁿ nī, deenú chi carta miiⁿ diiⁿ chí ch'etinéé ndaachí nī 'áamá tiempo nūuⁿ. ⁹Maaⁿ ní vée vaadi yeenú yeⁿé. Nguée cucáávā chi s'neeⁿ ndaachi núúⁿ nī naati s'neeⁿ ya'ai 'iinú nī taanduvée ní ndaacadaami nī yeⁿe nuuⁿndi chi diiⁿ nī. Ní ndís'tií s'neeⁿ ndaachí nī tan'dúúca chi Ndyuūs neⁿe yā chi diiⁿ nī ní 'íicú nús'uu nguée diiⁿ 'nū mar 'áamá chi cuuvi ndái nī cucáávā nús'uu. ¹⁰Caati chííⁿ chi diiⁿ Ndyuūs chi inee ya'ai 'iinú yú ní diiiⁿ chi ndaacadaami yú yeⁿe nuuⁿndi yeⁿe yú ní nnguaⁿ'ai yú. Ní 'íicú cáávā chuū nguée diiⁿ yú chi cunée ya'āi 'íinu yú yeⁿe chi nadacadaami yú yeⁿē nuuⁿndi yeⁿe yú. 'Iiⁿ'yāⁿ chi nguée i'téenu yā Ndyuūs ní ndaachi canee yā na iⁿ'yeeⁿdí 'cūū ní 'cuūvi yā cueⁿe daāⁿmaⁿ. ¹¹Naati ndís'tií cucheē nī chi inée ndaachí nī. N'diichi nī maaⁿ ntiiⁿnyuⁿ yeⁿe vaadi ndaachi táácā idiiiⁿ na vida yeⁿé nī. 'Áá diiiⁿ chi nadacadiinúúⁿ nī n'daacā yeⁿe nuuⁿndi chi diiⁿ nī ní caaⁿ'máⁿ nī chi nguēe n'daacā idiíⁿ nī? 'Áá diiiⁿ chi ndís'tií nguée canee yiinu nī yeⁿe chííⁿ chi diiⁿ nī? 'Áá 'va'a nī cucááva

nuuⁿndi chi dííⁿ ní? Cuayiivi ní neⁿé ní n'diichí ní 'úú ní neⁿé ní chi ca'a castigo yeⁿe 'iiⁿyāⁿ chi dinuuⁿndí yā. Ní yeⁿe nducueⁿé chuú ch'iⁿí ní ndúúcū chiíⁿ chi dííⁿ ní chi ndís'tií dííⁿ ní chííⁿ chí n'daacā. ¹²Tíicā taachi dinguúⁿ carta miiⁿ yeⁿe ndís'tií, nguée dinguúⁿ cáávā 'iiⁿyāⁿ chi dinuuⁿndi o cáávā 'iiⁿyāⁿ chi ch'leenú yā chií caavā nuuⁿndi miiⁿ. Dinguúⁿ yeⁿe ní ti ndís'tií cuuvi deenú ní chi nús'uu ní n'giⁿí 'nū chi véé cuidado yeⁿé 'nū ndúúcū ndís'tií nanááⁿ Dendyuūs. ¹³Ní cáávā chuú sta'á 'nū 'viich'etíínūuⁿ yeⁿé ndís'tií. Nguée dámaāⁿ chi sta'á 'nū 'viich'etíínūuⁿ yeⁿé ndís'tií naati saⁿā Tito miiⁿ diiⁿ sá chi yeenú taaví 'nū taachi yaa'vi sá nús'uú yeⁿé ní tan'dúúcā ndís'tií dííⁿ ní ndúúcū sa. Ní yeenú taavi sā. ¹⁴Úú ngaⁿá ngii saⁿā Tito miiⁿ chi ndís'tií ní n'daacā ní ní 'caandiveéⁿ ní nduudu yeⁿe carta miiⁿ. Ní nguée 'cuinaáⁿ cucáávā chi ngaⁿá 'tuucā yeⁿé ní ti 'tíicā dííⁿ ní. Nducuéⁿé chi ngaⁿá 'nū ndúúcū ndís'tií ní nduudu cuaacu. 'Tiicā ntúūⁿ nduudu chi ngaⁿá 'nū ngii 'nū Tito miiⁿ yeⁿé ndís'tií ní chiíⁿ chi n'giindiveéⁿ ní nduudu yeⁿe carta miiⁿ ní 'tíicā dííⁿ ní. ¹⁵'Tiicā ntúūⁿ Tito miiⁿ dineⁿe cá sa ndís'tií taachi nan'gaācu sa yeⁿe ndís'tií tan'dúúcā ndís'tií ch'iindiveéⁿ ní nduudu yeⁿe sa ní dííⁿ ní 'tuucā. Ní ndís'tií ní 'cuúⁿ ní saⁿā miiⁿ ní din'daaca ní caatí 'va'a ní. ¹⁶Cáávā chuú véé 'viich'etíínúuⁿ yeⁿé ndúúcū ndís'tií yeⁿe tanducuéⁿé dendu'ū chi dííⁿ ní.

'Iiⁿyāⁿ ca'á yā n'dee n'dái ofrenda

8 Ndís'tií, hermanos yeⁿé, maaⁿ ní caaⁿmáⁿ 'nū ndís'tií ti

deenú ní yeⁿe vaadi n'dai ch'eeⁿe yeⁿé Dendyuūs ní táacā chi dííⁿ 'nū ntiiⁿnyuⁿ yeⁿe na nducuéⁿé yaacū yeⁿé Ndyuūs chi snee na nducuéⁿé yáⁿāa yeⁿe Macedonia. ²Aara chi 'iiⁿyāⁿ s'eeⁿ yeⁿe yáacū s'eeⁿ diitū n'dái n'geenú yā ngii cucáávā chi chó'oo yeⁿe yā yeenú taavi cá yā. Ní 'áará chi pobre yā ca'á yā n'dee n'dái ofrenda tan'dúúcā chi 'áamá 'iiⁿyāⁿ chi 'cuiica, 'tíicā dííⁿ yā caava hermanos chi snée yā na yáⁿāa Judea. ³Úú ngaⁿá nduudu cuaacu yeⁿé yā. Ndúúcū núuⁿmáⁿ staava yeⁿé yā ca'á yā ofrenda, ní ca'á yā nducuéⁿé chi cuuví yeⁿe yā. Ní ndii ca'á yā más cā chi cuuví yeⁿe yā. ⁴Caⁿa diitú yā ndúúcū 'nū chi 'cuaaⁿ 'nū ofrenda chi 'áamá ayuda yeⁿe chi cuuvi yeⁿe hermanos yeⁿé yú chi nguée véé yeⁿe yā ní ca'á 'nū hermanos s'uúuⁿ. ⁵Ní dííⁿ yā más cā chi cunee ngiinú 'nū chi dííⁿ yā. Vmnááⁿ vmnaaⁿ ca'á yā vida yeⁿe maáⁿ yā na ta'a Señor Jesucristo yeⁿe yú. Ní cuayiivi, tan'dúúcā chi Ndyuūs neⁿé yā chi dííⁿ yā, 'iiⁿyāⁿ s'eeⁿ téé yā vida yeⁿé yā nús'uu chi dííⁿ yā ntiiⁿnyuⁿ cáávā nús'uu. ⁶Nducuéⁿé chuú vmnááⁿ vmnaaⁿ cuuví 'nū Tito ní dicho'ó 'nū saⁿā chi caaⁿmaⁿ yā yeⁿe ofrendá yeⁿé ndís'tií. 'Tiicā ntúūⁿ maaⁿ ní dicho'ó 'nū Tito chi 'cuiinu ntiiⁿnyuⁿ miiⁿ ní cut'á sa ofrenda yeⁿé ní chi ntiiⁿnyuⁿ chi n'dai taavi chi yeⁿé Ndyuūs. ⁷Ní ndís'tií ní tan'dúúcā chi 'cuiicā ní 'tiicā ní ti i'téenu cá ní Ndyuūs. Ní ngaⁿa cá ní nduudu cuaacu, ní déenu cá ní. Ní nééne neⁿé ní cunnee ní nús'uu, ní neⁿé ní nús'uu. Maaⁿ ní neⁿé 'nū chi ndís'tií ní ca'a cá ní ofrenda yeⁿé ní ní

din'dai ca ntiⁿnyúⁿ 'cūū chi cunnee nī hermanos yeⁿe yú.

⁸Úú nguée ca'á orden yeⁿe chuū. Dámaāⁿ neⁿe chi deenú nī tan'dúúcā chi diiⁿ tanáⁿā hermanos yeⁿe yáⁿāa yeⁿe Macedonia ní 'ífcú cuuvi deenú chi cuaacu chi ndís'tiī dinéⁿe nī Ndyuūs caavā ofrenda chi ca'á nī. ⁹Ní ndís'tiī ní 'āā deenú nī chéé chí vaadi n'dai taavi ca yeⁿe Señor Jesucristo yeⁿe yú. Cristo miiⁿ 'āā 'cuiicá yā naati dífⁿ yā chi pobre yā cucáāvā chi néⁿe yā s'uuuⁿ. Ní 'ífcú ndís'tiī cuuvi cuta'á nī vaadi 'cuiica yeⁿe yā cáāvā Cristo chi dífⁿ yā chi pobre yā.

¹⁰Ní yeⁿe ofrenda 'cūū 'úú yaa'vi neéⁿ ndís'tiī chuū. N'daacā ca chi 'cuiinú nī chéé chi dífⁿ nī nduuyu chi 'āā ch'ó'oo. Ndís'tiī ní vmnáāⁿ vmnaaⁿ 'iiⁿyāⁿ chi dífⁿ yā 'tuucā nī 'tífcā ní neⁿe chi di'cuiinú nī yeⁿe ofrenda miiⁿ nguuvi chi cuchíi. ¹¹Maaⁿ ní dífⁿ nī 'tiicā ní di'cuiinú nī ntiⁿnyuⁿ yeⁿe nī chi 'āā neⁿe nī tan'dúúcā chi cuchíi nī diiⁿ nī ndii cuááⁿ vmnaaⁿ. Ní ca'á nī ofrenda chéé chi cuuvi dífⁿ nī. ¹²Ní nduuti chi 'áamá ndís'tiī cuaacu níⁿnyúⁿ neⁿe nī ca'a nī ofrenda, tuu'mi ní Ndyuūs dífⁿ yā aceptar ofrenda yeⁿe nī ní diiⁿ cuenta yā yeⁿe chi véé yeⁿe nī nguée yeⁿe chi nguée véé yeⁿe nī.

¹³Úú nguée neⁿe chi ndís'tiī ca'á nī más cā ofrenda chi cuuvi nī nī 'āā ntéé véé necesidades yeⁿe nī cucáāvā chi inneé nī náⁿā hermanos. ¹⁴Maaⁿ ní véé ca yeⁿe nī ní cuuvi dífⁿ nī completar ofrenda yeⁿe nī ní ca'á nī 'iiⁿyāⁿ chi nguée véé yeⁿe yā. Ní cunnee nī 'iiⁿyāⁿ. Ní cuuvi ca'á nī daamá nduucú yā.

Quayiiⁿ ní taachi nguée véé yeⁿe nī ní 'iiⁿyāⁿ s'eeⁿ vee ca yeⁿe yā, 'iiⁿyāⁿ s'eeⁿ cuuvi téé yā ofrenda yeⁿe nī ní teé yā ofrenda ndís'tiī. Ní nginee yā ndís'tiī. 'Tífcā ca'á nī daama ndúucu yā. ¹⁵'Tífcā canee nguūⁿ na libro yeⁿe Ndyuūs ndii cuááⁿ vmnaaⁿ: 'Iiⁿyāⁿ chi véé cá yeⁿe yā nguée nacaāva yeⁿe yā. 'Iiⁿyāⁿ chi duū'vī vee yeⁿe yā nguée chii faltar yeⁿe yā.

Yeⁿe saⁿā Tito ndúucū compañeros yeⁿe yā

¹⁶Maaⁿ ní 'úú ca'á gracias Ndyuūs ti Ndyuūs chi'neéⁿ yā na staava yeⁿe Tito chí neⁿe yā cunnee cá yā ndís'tiī tan'dúúcā chi nús'uū dífⁿ 'nū. ¹⁷Ní neⁿe yā dífⁿ yā tan'dúúcā chi ngaⁿá 'nū nduucú yā yeⁿe ndís'tiī. Ní nééné neⁿe yā nginee yā ndís'tiī caati neⁿe yā n'diichí yā ndís'tiī.

¹⁸Ní dicho'ó 'nū ndúucū Tito miiⁿ táamá hermano yeⁿe yú ní nducyáácá 'iiⁿyāⁿ yeⁿe nducyáácá yaācū ngaⁿá yā chi hermano miiⁿ ní neenē n'dai diiⁿ sa ntiⁿnyuⁿ. Ní ngaⁿa sa nduudu cuaacu yeⁿe evangelio chi nduudú ngai yeⁿe Jesucristo. ¹⁹Nguée damāāⁿ chuū idiīⁿ saⁿā miiⁿ ti nducyáácá 'iiⁿyāⁿ yeⁿe nducyáácá yāacū s'eeⁿ naachi caⁿá 'iiⁿyāⁿ chi i'teenú yā Señor Jesucristo yeⁿe yú nndéévé yā saⁿā miiⁿ chi caⁿa sa ndúucū nús'uu caati cuuvi cunnee sa nús'uu ndúucū ofrenda chi cuuvi cunnee hermanos. Ní 'ífcú hermanos cuuví yā dich'eete cá yā Señor yeⁿe yú. Ní cuuvi 'cuuⁿmíⁿ 'nū hermanos chi ndís'tiī neⁿe nī cunnee nī hermanos. ²⁰'Tífcā ní 'iiⁿyāⁿ nguée cuuví caaⁿmaⁿ neeⁿ yā nús'uū yeⁿe chi dífⁿ

'nū ndúúcu ofrenda miiⁿ chi cuta'á
'nū yeⁿe hermanos. ²¹Ní 'tíicā neⁿé
'nū diiⁿ 'nū nducuéⁿe n'daacā nanááⁿ
Ndyuūs ní 'tíicā ntúuⁿ nanááⁿ
nducyáácá 'iiⁿ'yāⁿ.

²²Maaⁿ ní dicho'ó 'nu taama
hermano yeⁿe yú ndúúcu Tito miiⁿ.
Ní 'āā diiⁿ 'nū probar hermano
miiⁿ n'deee n'dái naaⁿ ni ch'iⁿí
saⁿā miiⁿ n'deee n'dái naaⁿ chi
neⁿe sa nginne sa nús'uu. Maaⁿ ní
saⁿa miiⁿ neenē neⁿe sa nginne
sa ndís'tiī ti vee 'viich'etiinūuⁿ
ca yeⁿé 'nū ndúúcu ndís'tiī. ²³Ní
ndúúti chi 'áámá 'iiⁿ'yāⁿ itiinguuneéⁿ
yā yeⁿe saⁿā Tito miiⁿ tuu'mi
ní ndís'tiī caaⁿ'máⁿ nī chi saⁿā
miiⁿ compañero yeⁿé. Ní diiⁿ sa
ntiiⁿnyuⁿ dáámá nduucú ní diiⁿ sa
ntiiⁿnyuⁿ chí dichí'vē ndís'tiī. O
nduuti chi itiinguuneéⁿ yā yeⁿe
tanáⁿā hermanos chi dicho'ó tuu'mi
ní ndís'tiī caaⁿ'maⁿ nī chi 'iiⁿ'yāⁿ
yeⁿé nducyaaca yaācū s'eeⁿ dichó'ó
yā hermanos s'eeⁿ. Ní hermanos
ní dich'etē cá yā Cristo yeⁿé yú.
²⁴Ca'á nī ofrenda yeⁿé nī ní 'tíicā
cuuvi deenú 'iiⁿ'yāⁿ yeⁿe yaacu s'eeⁿ
chi dineⁿé nī hermanos chi dicho'ó.
Ndís'tiī ní 'cuuⁿ'miⁿ nī nducyáácá
'iiⁿ'yāⁿ cáāvā ofrenda yeⁿé nī chi
cuaacu niiⁿnyúⁿ neⁿé nī hermanos.
Ní nús'uu deenú 'nū chi caⁿ'á nī
diiⁿ nī 'tíicā. Ní yeenú 'nū cucáāvā
ndís'tiī. Ní 'iiⁿ'yāⁿ cuuvi deenú yā
chiiⁿ chi ngaⁿ'á yeⁿe nī ní cuaacu.

Ofrenda cáāvā hermanos yeⁿe yú

9 Ndís'tiī hermanos yeⁿé nguée
canee chi dingúúⁿ yeⁿé ndís'tiī
yeⁿe ofrenda chi nga'a nī hermanos
chi i'téenu yā Jesucristo yeⁿé yú.
²Úú tuumicadiinúúⁿ chi ndís'tiī

neⁿé nī cunneé nī hermanos. Ní
yeenú cucáāvā ndís'tiī taachi 'úú
yaa'ví 'iiⁿ'yāⁿ yeⁿe yáⁿ'āa yeⁿé
Macedonia yeⁿé ndís'tiī chi snée nī
na yáⁿ'āa Acaya táácā idiⁿ nī. Ní
'úú yaa'ví 'iiⁿ'yāⁿ s'eeⁿ chi ndís'tiī
canee yaaⁿ nī ndii nduuyu chi
chó'oo chi nginneé nī hermanos
yeⁿé yú. Ní maaⁿ ní n'deee 'nááⁿ
hermanos yeⁿe yáⁿ'āa Macedonia
neⁿé yā nginneé yā hermanos
cáāvā chi ndís'tiī caⁿ'á nī chi ca'a
nī ofrenda yeⁿé nī. ³Ni cáāvā chuū
dicho'ó Tito ndúúcu 'uuvu hermanos.
Ní nguée cúúví chó'oo 'áámá cosa
chi nguée cuaacu yeⁿé nī yeⁿé chi
'úú yaa'ví 'iiⁿ'yāⁿ s'eeⁿ yeⁿe tan'dúúcu
chi ndís'tiī n'daacā diiⁿ nī yeⁿé
ofrenda 'cūū. Ní ndís'tiī 'cuēti yaáⁿ
nī ofrenda yeⁿe nī chi cunneé nī
hermanos. ⁴Nguée deenú nduuti chi
naⁿ'a 'iiⁿ'yāⁿ yeⁿe yáⁿ'āa Macedonia
caⁿ'á yā nduucú. Ní taachi ndaá 'nū
nanááⁿ ndís'tiī nguée véé yaáⁿ nī
ndúúcu ofrenda yeⁿé nī. Ní nús'uu
cuuvi 'cuinaáⁿ 'nū ti yaa'ví 'nū
hermanos yeⁿé yáⁿ'āa Macedonia ti
véé 'viich'etiínúuⁿ ch'etē yeⁿé 'nū
nduucú nī. Ní ndís'tiī cuuvi 'cuinaáⁿ
nī dendú'ū. ⁵Ní caavā chíⁿ 'úú
nadicadiinúúⁿ chi chiicá hermanos
chi chíi yā vmnááⁿ vmnaaⁿ nanááⁿ
ndís'tiī ní cunee yā nduucú nī. Ní
'íicú ndís'tiī ca'a nī ofrenda yeⁿe
nī hermanos chi dicho'ó. Níicú
cuuvi cunneé nī hermanos yeⁿe
yáⁿ'āa Judea ndúúcu ofrenda yeⁿe
nī, ofrenda miiⁿ chi ngaⁿ'a nī chi
ca'a nī. 'Tíicā níicú 'cuēti yaáⁿ nī
ndúúcu ofrenda yeⁿe nī ní ch'iⁿí nī
'iiⁿ'yāⁿ s'eeⁿ chi cuaacu chi neⁿé nī
ca'á nī ofrenda yeⁿe nī. Ní nguée a
fuerza canee chi ca'á nī ofrenda.

⁶Maaⁿ ní ndís'tii ní n'gaacú ní ye^{ní}ē chuū chí caa^{ní}máⁿ. 'Ii^{ní}yāⁿ chi duu^{ví} cá ngīnu yā cuta^á yā duū^{ví} ca cosecha ye^{ní}ē yā ní 'ii^{ní}yāⁿ chi n'deeé ca ngīnu yā cuta^á yā n'deeé cá cosecha ye^{ní}ē yā. ⁷Ca^áámá cá^áámá nī ca^á nī ofrenda ye^{ní}ē nī tan^{duucā} chi nacádiinuⁿ nī chi díⁿ nī na staava ye^{ní}ē nī. Nguéé ca^á nī nduuti chi nguéé ne^{ní}ē nī, ní nguéé a fuerza ca^á nī. Ndyuūs ne^{ní}ē yā 'ii^{ní}yāⁿ chi ca^á yā ofrenda ye^{ní}ē yā tí yeenú yā chi ca^á yā. ⁸Ní Ndyuūs ní cuuví té yā ndís'tii n'deeé cá ye^{ní}ē nducué^{ní}ē chi n'dai taavi ca. Ní 'tíicā ndís'tii ní cuuví 'cuūndí necesidades ye^{ní}ē nī. Ní cuuvi cunnee nī hermanos ndúúcū nducué^{ní}ē necesidades ye^{ní}ē yā. ⁹Ní canéé nguūⁿ na libro ye^{ní}ē Ndyuūs ndii cuááⁿ vmnaaⁿ 'tíica:

Nduuti chí 'ii^{ní}yāⁿ ca^á yā n'deeé cá ye^{ní}ē 'ii^{ní}yāⁿ chi pobre yā; tuu^{mi} ní vee ca ye^{ní}ē maáⁿ yā chi cuuvi ca^á yā 'ii^{ní}yāⁿ ní 'áámá cānee yā 'tíicā.

¹⁰Ní Ndyuūs chí nga^á yā ndaata chi 'ii^{ní}yāⁿ cuūnu yā ndaata miiⁿ, nga'a ntúúⁿ yā pan chi che^é yā. Maaⁿ ní Ndyuūs miiⁿ té yā ndaata ndís'tii nducué^{ní}ē chi cuūnu nī. Ní díⁿ yā chi véé ca cosecha ye^{ní}ē ntii^{ní}nyuⁿ chi n'daacā chi díⁿ nī.

¹¹'Tiicá ntúūⁿ ndís'tii cuuvi cuta^á nī ye^{ní}ē nducué^{ní}ē vaadi 'cuiica ní 'íicú cuuvi ca'a cá nī ofrenda ye^{ní}ē nī. Ní cucáávā nús'uu, ca'a yā ofrenda ye^{ní}ē nī hermanos, tuu^{mi} ní hermanos nga^{ní}á yā: Ndyuūs nadí^íve n'dii cáávā ofrenda miiⁿ.

¹²Ní ndúúcū ofrenda ye^{ní}ē nī chi ca'a nī nguéé damāāⁿ ca^á nī ti véé ye^{ní}ē hermanos naati díⁿ nī

chi hermanos ca'a yā n'deeé cá gracias Ndyuūs. ¹³Ní 'íicú hermanos dich'eté yā Ndyuūs nduuti chi ndís'tii ch'i^{ní} nī hermanos chi i'téenu nī nduudu cuaacu ye^{ní}ē Cristo. 'Tiicá ntúūⁿ hermanos dich'eté yā Ndyuūs ti ndís'tii ca'a cá nī ofrenda ye^{ní}ē nī cáávā hermanos miiⁿ ní caavā taná^{ní}ā hermanos. ¹⁴'Tiicá ntúūⁿ hermanos nga^{ní}angua^á yā caavā ndís'tii. Ní dine^{ní}ē cá yā ndís'tii. 'Tíicā díⁿ yā ti Ndyuūs s'neé^{ní} yā na staava ye^{ní}ē nī chi ndís'tii díⁿ nī cosa chi n'daacā. ¹⁵Maaⁿ ní ca'a yú gracias Ndyuūs ti tee yā s'uuúⁿ nducué^{ní}ē chi vaadi n'dai ca ye^{ní}ē yā chi ch'etete taavi cá chi nguéé cuuvi caa^{ní}maⁿ yú ye^{ní}ē nducué^{ní}ē.

Pablo caa^{ní}máⁿ yā chi cuaacu chi apóstol yā ye^{ní}ē Señor Jesucristo

10 'Úú Pablo di^{ní}cuiitú ndís'tii chuū. 'Úú ní ndiicuúⁿ ní véé cá paciencia ye^{ní}ē ní tan^{duúcā} Cristo nga^{ní}a yā, 'tíicā nga^{ní}á. 'Ii^{ní}yāⁿ nga^{ní}a yā ye^{ní}ē 'úú chi 'úú 'aama sa^{ní}ā ndiicuúⁿ taachi caneé nduucú ndís'tii ní naati nguéé caneé nduucú ndís'tii tuu^{mi} ní ch'echí yaa^{ví} ndís'tii. ²'Úú di^{ní}cuiitú ndís'tii chi díⁿ n'daacá nī ti taachi ndaá n'diichí ndís'tii nguéé canee chi caa^{ní}máⁿ nduudu ch'echi ndúúcū ndís'tii. Ná^{ní}ā 'ii^{ní}yāⁿ ní nga^{ní}á yā ye^{ní}ē 'nū chi nús'uu díⁿ 'nū ntii^{ní}nyuⁿ ye^{ní}ē Ndyuūs tan^{duúcā} chi ne^{ní}ē 'nū díⁿ 'nū. 'Úú vee yaáⁿ chi nandaacá 'ii^{ní}yāⁿ s'ee^{ní} ní caa^{ní}maⁿ taáⁿ nduucú yā. ³Cuaacu chi ne^{ní}ē chi nús'uu ní 'ii^{ní}yāⁿ ye^{ní}ē i^{ní}yee^{ní}dí 'cūú nús'uu díⁿ 'nū ntii^{ní}nyuⁿ ye^{ní}ē Ndyuūs. Nguéé díⁿ 'nū ntii^{ní}nyuⁿ

cucáāvā chi vée chi cuuvi ye^{ní}é 'nū na i^{ní}yee^{ní}dí 'cūū tan'dúúacā chi diiⁿ taná^{ní}ā 'ii^{ní}yāⁿ ye^{ní}é i^{ní}yee^{ní}dí 'cūū chi nguée^{ní} i'téenu yā Cristo. ⁴Caati ntiiⁿnyuⁿ chi diiⁿ 'nū nguée^{ní} diiⁿ 'nū ndúúcu vaadi deenu ye^{ní}e i^{ní}yee^{ní}dí 'cūū tí diiⁿ 'nū ndúúcu poder ye^{ní}é Ndyuūs. Ní Ndyuūs nginneé yā s'uuúⁿ chi cuuvi dituūví 'nū dendu'ū chi ye^{ní}e enemigo ye^{ní}é 'nū chi yááⁿn'guinūⁿ miiⁿ. ⁵Tíicā chuū cuuvi diiⁿ 'nū. Dituuví 'nū nducué^{ní}ē vaanicadiiⁿūⁿ ye^{ní}e 'ii^{ní}yāⁿ chi contra ye^{ní}é Ndyuūs. Ní 'íicu 'ii^{ní}yāⁿ cuuví nadacadiiⁿúⁿ yā ye^{ní}e Cristo ní cuuví cu'téenu yā ye^{ní}e yā. ⁶Maaⁿ ní taachi ndís'tiī n'giindiveéⁿ nī nduudu chí nga^{ní}á tuu'mi ní nús'uu canee yaáⁿ 'nū chi diiⁿ 'nū castigar nducyáácá nī chi nguée^{ní} n'giindiveéⁿ nī nduudu chi nga^{ní}á.

⁷Ndís'tiī ní n'diichí nī dendu'u chi vée tan'duucā chi cánée. Ní ndúútí chi 'áámá yā ye^{ní}e ndís'tiī deenú yā chi seguro chi ye^{ní}e Cristo 'ii^{ní}yāⁿ miiⁿ, tuu'mí canee cúúⁿmíⁿ yā chi nadacadiiⁿūⁿ yā chi nús'uū ntúūⁿ ní ye^{ní}e Cristo nús'uu. Tan'dúúca yā 'tiicá ntúūⁿ nús'uu. ⁸Áará chi 'úú Pablo nga^{ní}á chi 'úú ch'εεté 'úú na ntiiⁿnyuⁿ ye^{ní}e Señor Jesucristo nguée^{ní} 'cuinaáⁿ cáāvā chi caa^{ní}máⁿ 'túúcā. Deenú 'nū chi Señor ye^{ní}é yú tée yā nús'uu ntiiⁿnyuⁿ chi diiⁿ 'nū ndúúcu poder ye^{ní}é yā ti ndís'tiī cuuvi cu'téenu ca nī Ndyuūs, ní nguée^{ní} cáāvā chi diiⁿ chi nguée^{ní} i'téenu nī Ndyuūs. ⁹Úú nguée^{ní} ne^{ní}é chi ndís'tiī nadacadiiⁿūⁿ nī chi dingúúⁿ carta ye^{ní}é nī cucaavā chi candií ndís'tiī chí 'va'á nī. ¹⁰Ii^{ní}yāⁿ nga^{ní}a yā chi cartas ye^{ní}é chí nguúⁿ ní neené ditiinu nduudu ye^{ní}é ní

taachi canee nanááⁿ ndís'tiī ní 'úú ní duūvā 'úú. Ní nduudu chi nga^{ní}á ní nguée^{ní} de'ε vée ye^{ní}é. ¹¹Ne^{ní}é chi 'ii^{ní}yāⁿ chi nga^{ní}a yā 'túúcā ye^{ní}é, cadiiⁿūⁿ yā chuū. 'Túúcā tan'dúúcā chi dingúúⁿ 'nū na cartas ti ya'ai canee 'nū ye^{ní}e nī, 'tiicá ntúūⁿ taachi ndaá 'nū nanááⁿ ndís'tiī nga^{ní}á 'nū ndúúcu yā ní dáámá diiⁿ 'nū ndúúcu yā.

¹²Nguée^{ní} caa^{ní}máⁿ 'nū chi nduuvidaamá 'nū ndúúcu taná^{ní}a yā chi nga^{ní}á yā chi maáⁿ yā ní n'geεté yā. 'Ii^{ní}yāⁿ s'ee^{ní} nga^{ní}á yā tan'dúúcā chi tonto yā tí dicaadi maáⁿ yā ndúúcu 'áámá yā táámá yā hermanos. ¹³Nús'uu ní nguεε caa^{ní}máⁿ 'nū ye^{ní}e ndúcué^{ní}e chi n'geεte chi nguée^{ní} candeé 'nū cuidado ye^{ní}é. Ndyuūs ch'i^{ní}í yā nús'uu naachi cuuvi cuchicá 'nū ní diiⁿ 'nū ntiiⁿnyuⁿ ye^{ní}é yā. Ní ch'i^{ní}í yā chi nús'uu cho'ó 'nū nanááⁿ ndís'tiī chi snée na yááⁿ Corinto. ¹⁴Cáāvā chuū ní deenú 'nū chi nguée^{ní} cue^{ní}é 'nū mar 'áámá yá^{ní}āa nduuti chi Ndyuūs nguée^{ní} ch'i^{ní}í yā nús'uu chi ca^{ní}á 'nū miiⁿya. Ní cáāvā chuū ndaá 'nū nanááⁿ ndís'tiī ní candeé 'nū nduudu cuaacu chi nduudu ngai ye^{ní}é Señor Jesucristo ye^{ní}é yú. ¹⁵Nguée^{ní} nga^{ní}á 'nū chi n'geεte ntiiⁿnyuⁿ ye^{ní}e táámá yā tan'dúúcā chi nús'uu diiⁿ 'nū ntiiⁿnyuⁿ ye^{ní}é yā. Dámaāⁿ nga^{ní}á 'nū ye^{ní}é ntiiⁿnyuⁿ chi diiⁿ 'nū. Cunee ngiinú 'nū chi ndís'tiī cu'téenu cá nī ní nús'uu cuuvi diiⁿ 'nū ntiiⁿnyuⁿ chi más cā ch'εεte ca nguaaⁿ ndís'tiī, naati dámaāⁿ diiⁿ 'nū ntiiⁿnyuⁿ naachi Ndyuūs ch'i^{ní}í yā nús'uu chi diiⁿ 'nū. ¹⁶Cuayiivi miiⁿ ní ne^{ní}é 'nū ca^{ní}á 'nū táámá cuaaⁿ chí táámá lado

yeⁿē ndís'tiī chi cuuvi caaⁿmaⁿ 'nū nduudu cuaacu yeⁿé Ndyuūs. Ní nguée cánée chí caaⁿmaⁿ yeⁿē ntiīⁿnyuⁿ yeⁿe táamá yā tan'dúúcā chi nús'uu dííⁿ 'nū ntiīⁿnyuⁿ yeⁿé yā.

¹⁷Ní nduuti chí 'áamá 'iīⁿyāⁿ neⁿé yā caaⁿmaⁿ yā yeⁿe cosa chí ch'ēete ca tuu'mi ní canee chí caaⁿmaⁿ yā chí Ndyuūs dííⁿ yā chíⁿ chí ch'ēete ca. ¹⁸Nduuti chí Ndyuūs deenu yā chí 'áamá 'iīⁿyāⁿ ní n'daacā idiíⁿ yā tuu'mi ní cuaacu. Nduuti chí maáⁿ yā ngaⁿa yā chí n'daacā chí dííⁿ yā tuu'mi ní 'du'ū deenu chí cuaacu?

Pablo ndúúcū 'iīⁿyāⁿ chí ngaⁿá chí apóstoles 'iīⁿyāⁿ ní nguée cuaacu

11 Neⁿé chí ndís'tiī cuchée nī yeⁿé 'aara chí nadacadiinúúⁿ nī yeⁿé chí duuchi ngaⁿá nduucú nī. ²Caati 'úú ní neⁿé ndís'tiī tan'duucā chí Ndyuūs neⁿé yā ndís'tiī. Ní 'úú ngaⁿá ngii ndís'tiī chí yeⁿe Jesucristo yeⁿé yú chí ndís'tiī caⁿá nī lado yeⁿé Cristo. Ní neⁿé chí ndís'tiī cunée nī nanááⁿ Ndyuūs. Ní tan'dúúcā 'áamá n'daataá chí cuínú chí caⁿa 'caandavaacu tá ndúúcū 'áamá saⁿá nuūⁿ. 'Tíicā ndís'tiī nanááⁿ Ndyuūs. ³Ní 'úú 'va'á cáávā ndís'tiī. Caati tan'dúúcā chí 'áamá cúú chinnche'éf tī táⁿā Eva ndúúcū nduudu yaadi yeⁿé tī chí nduudu yeⁿe yááⁿnguiniuūⁿ, 'tiicá ntúūⁿ 'iīⁿyāⁿ cannche'éf yā ndís'tiī níicú divíi yā vaadi cadiinúúⁿ yeⁿé nī ní nguée dineⁿé nī Jesucristo ndúúcū nuuⁿmaⁿ staava yeⁿé nī. ⁴Caati ndís'tiī caⁿá nī lugar 'āa du'ú nuūⁿ 'iīⁿyāⁿ chí caaⁿmaⁿ yā nduudu chí n'dááⁿ yeⁿe Jesucristo yeⁿé yú nguée tan'dúúcā nduudu cuaacu chí caⁿa 'nū nanááⁿ ndís'tiī. Ní ndís'tiī ní

n'giindiveéⁿ nī yeⁿé taama espíritu chí n'dááⁿ ní nguée n'giindiveéⁿ nī yeⁿe Espíritu N'dai yeⁿe Ndyuūs chí sta'á nī yeⁿe Ndyuūs taachi ngaⁿa 'nū nduudu cuaacu nanááⁿ ndís'tiī. Ní ch'iindiveéⁿ nī nduudu chí n'dááⁿ chí ngaⁿá yā yeⁿe chí nadinguáⁿai yā. Nguée tan'dúúcā nduudu cuaacu chí nús'uu caⁿá 'nū nguaaⁿ ndís'tiī. Ní yeenú nī yeⁿé chuū. ⁵'Úú nadacadiinúúⁿ chí nguée n'gēete ca tanáⁿā 'iīⁿyāⁿ chí ngaⁿá yā chí apóstoles naati nguē 'tíicā. N'dááⁿ yā nduudu yeⁿe Cristo ní ndís'tiī cu'teenú nī yeⁿe yā. ⁶'Áará chí nguē caⁿá nduudu cuaacu yeⁿe Cristo ndúúcū nduudu deenu ca, deenú ca yeⁿé nduudu chí ngaⁿá. 'Tíicā chíⁿ 'iīⁿ 'nū ndís'tiī yeⁿé nducueⁿé ntiīⁿnyuⁿ chí dííⁿ 'nū nguááⁿ ndís'tiī.

⁷O nguée n'daacā dííⁿ chí ngaⁿá nduudu cuaacu yeⁿé Cristo nanááⁿ ndís'tiī ní nguée nadíf've nī 'úú caavā ntiīⁿnyuⁿ chí dííⁿ. Nguée nadicadiinúúⁿ yeⁿé maáⁿ naati neⁿé chí ndís'tiī cuuvi n'gēetē nī. ⁸'Úú ní nguée chita'á tuumi yeⁿe 'iīⁿyāⁿ yeⁿe tanáⁿā yaacū cucáávā chí cuuvi dííⁿ ntiīⁿnyuⁿ yeⁿé Cristo nguaaⁿ ndís'tiī. ⁹Ní neⁿe chí canee ndúúcū ndís'tiī ní véé necesidades yeⁿé tuu'mi ní hermanos yeⁿe yú ndaá yā yeⁿe yáⁿāa Macedonia ní tee yā 'úú chíⁿ chí nguē vee yeⁿé. 'Tíicā nguée di'vaachí mar 'áamá ndís'tiī caavā necesidades yeⁿé ní nguée ndaá di'vaachí ndís'tiī tiempo chí cuchii. ¹⁰Neené seguro chí nduudu cuaacu yeⁿe Cristo canee nduucú. Ní 'íicú mar 'áamá 'iīⁿyāⁿ cuuvi dííⁿ yā chí nguē cuuvi caaⁿmaⁿ nduudu cuaacu miiⁿ na

núuⁿmáⁿ yáⁿāa Acaya caati nguée sta^á tuumí cáávā ntiiⁿnyuⁿ chí dííⁿ.
 11 ¿De^e cáávā chí caaⁿmáⁿ 'túúca? ¿Áá cáávā chí nguée neⁿé ndís'tií? Nguée 'tíicā. Ndyuūs deenú yā chí neené neⁿé ndís'tií.

12 Ní ntiiⁿnyúⁿ chí dííⁿ canée chí dííⁿ naati nguée cuta^á tuuⁿmi yeⁿe ntiiⁿnyuⁿ chí dííⁿ. Ní 'íicú 'iiⁿyāⁿ chí neⁿe caaⁿmáⁿ yā chí ntiiⁿnyuⁿ yeⁿe yā chí dáamá ndúúcu ntiiⁿnyuⁿ chí dííⁿ 'nū nguée lugar chí cuuvi caaⁿmáⁿ yā chí 'tíicā ti sta^á yā tuumi yeⁿe ntiiⁿnyuⁿ chí dííⁿ yā.
 13 'Iiⁿyāⁿ miiⁿ nguée apóstoles yeⁿe Cristo ti apóstoles chí falso yā. Ní nginnche^é yā 'iiⁿyāⁿ ní dííⁿ yā tanⁿdúúca chí maāⁿ yā apóstoles yeⁿe Jesucristo chí candé yā nduudu yeⁿé Cristo. 14 Ní nguée nadacadíinuⁿ yú yeⁿe chí vee ca apóstoles chí falso yā na iⁿ'yeeⁿdí 'cūū. Maaⁿ yááⁿ'nguiniūⁿ mífⁿ ní diiⁿ sa chí maāⁿ sa ní tanⁿdúúca 'áamá ángel yeⁿe Ndyuūs. 'Tíicā diiⁿ sa. 15 Cáávā chuū ní nguée cosa chí ch'ete chí 'iiⁿyāⁿ dííⁿ yā ntiiⁿnyuⁿ yeⁿe yááⁿ'nguiniūⁿ tanⁿdúúca chí ntiiⁿnyuⁿ yeⁿé Ndyuūs. Taachí 'cuiinu iⁿ'yeeⁿdí 'cuū caⁿá yā cuta^á yā chí cuuvi yeⁿé yā.

Pablo neéné ch'eenú yā chí cáávā chí apóstol yeⁿe Jesucristo

16 Maaⁿ ní taama vmnéⁿēe neⁿé caaⁿmáⁿ ndúúcu ndís'tií ní nguée nadacadíinuⁿ nī chí 'úú ngaⁿá tanⁿdúúca chí 'aama chí loco yā, ti ngaⁿá chí ch'eté maāⁿ. Ní 'aara chí nadacadíinuⁿ nī yeⁿé 'tíicā, ¿áá 'tíicā 'caandiveéⁿ nī yeⁿé?
 17 'Úú nguée caⁿá chuū chí Señor Jesucristo yeⁿe yú yaaⁿví yā 'úú chí

caⁿá 'tíicā. Caati caⁿá tanⁿdúúca 'aama chí loco 'tíicā caⁿá. Ní 'íicú māaⁿ cuuvi caaⁿmáⁿ chí dich'eté 'úú. 18 Ní ndeeⁿ n'dái 'iiⁿyāⁿ ngaⁿá yā yeⁿe maāⁿ yā chí ch'ete yā cucáávā chíⁿ chí dííⁿ yā na iⁿ'yeeⁿdí 'cūū. Ní maaⁿ ní 'úú ntúūⁿ ngaⁿá chí 'úú ní ch'eté maāⁿ. 19 Ní ndís'tií ní nadacadíinuⁿ nī chí deenu cá nī ní chiche^é nī yeⁿe 'iiⁿyāⁿ chí ngaⁿá yā chí maāⁿ yā ch'eté yā tanⁿdúúca chí loco yā, ní yeenú yā. 20 Ní chiche^é nī yeⁿé 'iiⁿyāⁿ s'eeⁿ ní ch'iindiveéⁿ nī yeⁿe yā ní dííⁿ nī tanⁿdúúca chí 'iiⁿyāⁿ s'eeⁿ ngaⁿá yā chí a fuerza dííⁿ nī. Ní tanⁿdúúca chí s'neéⁿ yā 'áamá trampa 'tíicā dííⁿ yā ndúúcu ndís'tií. Ní n'diichí yā ndís'tií tanⁿdúúca 'iiⁿyāⁿ chí nguée duⁿ vee 'tíicā ndís'tií. Ní caaⁿmáⁿ yā chí ch'ete maāⁿ yā. Ní ch'eⁿé yā naaⁿ nī. Ní cuché^é nī yeⁿe nducuéⁿē. 21 Nús'uu nguée cuuvi dííⁿ 'nū ndúúcu nī 'tíicā 'aara chí nadacadiinúⁿ nī chí n'daacā dííⁿ yā ndúúcu nī 'tíicā. Maaⁿ ní 'áará chí 'cuinaaⁿ yeⁿe chí caaⁿmáⁿ, 'tíicā caaⁿmáⁿ. Nús'uu dííⁿ 'nū chí duūva 'nū ní 'iicu cuuvi dííⁿ 'nū ntiiⁿnyuⁿ yeⁿé 'nū. Maaⁿ ní caaⁿmáⁿ tanⁿdúúca chí loco 'úú. Ní 'úú ní caaⁿmáⁿ chí ch'ete maāⁿ yeⁿe ntiiⁿnyuⁿ chí dííⁿ tanⁿdúúca chí tanáⁿā 'iiⁿyāⁿ chí ngaⁿa yā chí ch'eté yā maāⁿ yā cáávā ntiiⁿnyuⁿ chí dííⁿ yā. 22 ¿Áá 'iiⁿyāⁿ hebreos 'iiⁿyāⁿ s'eeⁿ? 'Tiicá ntúūⁿ 'úú. ¿Áá 'iiⁿyāⁿ s'eeⁿ yeⁿe ndaata Israel? 'Tiicá ntúūⁿ 'úú. ¿Áá 'iiⁿyāⁿ s'eeⁿ yeⁿe ndaataá Abraham? 'Tiicá ntúūⁿ 'úú. 23 ¿Áá 'iiⁿyāⁿ s'eeⁿ 'iiⁿyāⁿ chí idiiⁿ ntiiⁿnyuⁿ yeⁿe Cristo? Deenú chí caaⁿmáⁿ tanⁿdúúca 'iiⁿyāⁿ chí

loco yā taachi caaⁿ máⁿ 'tiicā. 'Úú idíⁿ más ca ntiⁿnyúⁿ yeⁿe Cristo nguéé ti 'iⁿyāⁿ s'eeⁿ. Ní canéé taavi yaātū na cuerpo yeⁿé chi ch'eⁿé yā 'úú. Neené n'dee cuuví cheⁿé vácūū. Ní neené n'dee cuūví chí 'āā cháā 'caaⁿnúⁿ yā 'úú. ²⁴Ní cho'ó nyuⁿu cuuvi chi 'iⁿyāⁿ Israel s'eeⁿ ch'eⁿé yā ndiicu ndíitiⁿnyuⁿ cuūⁿ vuelta 'úú ndúúcu cuarta. ²⁵Ní cho'ó 'iinū tiempo chi ch'eⁿé yā 'uu ndúúcu nduucu. Ní 'áámá cuuvi nūⁿ chítuú yā 'úú. Ní cho'ó 'iinū cuuvi chi chechi barco naachi cueⁿé na nuūⁿnīⁿyāⁿā. Ni 'áámá vmnéⁿēe cánéé nguaaⁿ nuūⁿnīⁿyāⁿā núúⁿmáⁿ yaaⁿ núúⁿmáⁿ nguuvi. ²⁶N'dee n'dái cuūví cachiicá ní n'diichi peligros yeⁿé, peligros yeⁿe yíicú, ndúúcu peligros cáávā 'iⁿyāⁿ chí duucu yā, ndúúcu peligros nguaaⁿ 'iⁿyāⁿ yeⁿe yāāⁿ yeⁿé ní yeⁿe 'iⁿyāⁿ yeⁿe táámá yāāⁿ, ndúúcu peligros taachi cánéé ná yāāⁿ n'geete, ní taachi caneé na yāⁿāa cuūⁿmáⁿ naachi nguéé ch'etinéé 'iⁿyāⁿ, ní taachi cachiicá na barco vmnaaⁿ nuūⁿnīⁿyāⁿā. Ní chó'oo peligros yeⁿé taachi caneé nguaaⁿ 'iⁿyāⁿ chi ngaⁿa yā chi hermanos yeⁿe nūⁿ ní nguéé 'tíica yā. ²⁷'Úú díⁿ ntiⁿnyuⁿ chí nééé díttū ndúúcu vaadi 'caaⁿva ní chicuūū 'úú. Ní n'dee taaví nguiinū nguéé chii cyaadú, ní cho'oo n'dee taaví cuuvi chí ch'eenú chi ti 'āā ntéé cheⁿé ní 'āā ntéé chí'í nuūⁿnīⁿ va. Ní 'āā 'liche yeⁿé ní nguéé catecaí.

²⁸Ní 'āā vi'í cā yeⁿe nducuéⁿē chuū chí chó'oo na cuerpo yeⁿé, vee más cā denduū ti nguuví nguuví candéé cuidado yeⁿé nducyáácá 'iⁿyāⁿ yeⁿe nducyáácá yaacū. ²⁹Ní

nduuti chí 'áámá 'iⁿyāⁿ duūvá yā ní 'úú ntúūⁿ díⁿ tan'dúúca chí duūva 'úú. Ni nduuti chí 'áámá 'iⁿyāⁿ díⁿ yā chí taama 'iⁿyāⁿ dinuuⁿndí yā, 'úú ntúūⁿ n'geenú ngii ní 'cuináaⁿ 'úú, ní nduuví taáⁿ. ³⁰Maaⁿ ní nduuti chí canéé chí dich'eté yeⁿé maáⁿ, tuuⁿmí dich'eté yeⁿé maáⁿ yeⁿe nducuéⁿē chí chó'oo yeⁿé níicu 'cuuⁿmíⁿ ti duūva 'úú. ³¹Dendyuūs chí Chiidá Señor Jesucristo yeⁿé yú ní n'dai taavi cá yā cueⁿe daāⁿmaⁿ. Ndyuūs ní deenú yā chí nguéé ngaⁿá nduudu yaadi. ³²Chó'oo chí taachi caneé na yāāⁿ Damasco chí gobernador chí maaⁿ poder yeⁿe rey Aretas, gobernador miiⁿ s'neeⁿ yā soldados na cheendi va'āi s'eeⁿ chí n'geete yeⁿé yāāⁿ Damasco miiⁿ caati neⁿe sa cuta'a sa 'úú ní candee sa 'úú chí preso 'úú. ³³Naati hermanos yeⁿé yú s'nuúⁿ yā 'úú cheeti 'áámá 'cuééte ch'ete ní dicua'ái yā 'úú na 'áámá ventana yeⁿe ncheeti yeⁿe yāāⁿ miiⁿ ní 'tíicā ca'ái na ta'a soldado s'eeⁿ caati yāāⁿ miiⁿ ní nuuⁿmaⁿ ndiivi canéé ncheeti chí yaacū tan'dúúca coral.

Visión yeⁿe Pablo ndúúcu chí n'diichí yā

12 Cuaacu níⁿnyúⁿ chí nguée dēē vee n'daacá chí caaⁿmáⁿ yeⁿé 'úú maáⁿ chí 'úú ch'eté 'úú. N'dáaca ca chí 'úú caaⁿmáⁿ yeⁿe n'dee nááⁿ chí canéé chí snaáⁿ yeⁿe Señor Jesucristo ní yeⁿe chí canúúⁿ n'de'ei chí n'giⁿí yā 'úú. ²Cuayiivi chí i'teenú Cristo chó'oo ndiichi cúuⁿ nduuyúú chí n'diichí 'áámá visión tan'dúúca chí ch'iinú. Ní 'aama 'iⁿyāⁿ candéé yā 'úú ndii va'āi cheeti nguuví. Nguéé deenú

nduuti chi candée yā cuerpo yeⁿé o nguée. Dámaaⁿ Ndyuūs deenú yā chuū. ³Naati chíí ní nguée deenú nduuti chi cueⁿé ndúúcū cuerpo yeⁿé o nguée ndúúcū cuerpo yeⁿé naati dámaaⁿ Ndyuūs deenú yā táácā cueⁿé. ⁴Úú deenú chi candée yā 'úú ní cueⁿé ndii paraíso chi va'ai chēeti nguuví. Ní 'úú n'giindiveeⁿ nduudu chi nguée tan'duucā nduudu yeⁿe 'iiⁿyā yeⁿe iⁿ'yeeⁿdí 'cūū ti yeⁿe Ndyuūs. Nguée vée permiso chi cuuvi caaⁿmáⁿ yeⁿe chi n'giindiveeⁿ. ⁵Úú cuuvi caaⁿmáⁿ chi 'úú ní ch'ēete maáⁿ yeⁿe chi Ndyuūs díⁿ yā nduucú. 'Úú nguée caaⁿmáⁿ yeⁿe maáⁿ chi ch'ēete maáⁿ. Dámaaⁿ caaⁿmáⁿ chi duūvā 'úú. ⁶Áará chi caaⁿmáⁿ chi 'úú ch'ēete maáⁿ nguée caaⁿmáⁿ tan'dúúcā chi zonzo 'úú ti caaⁿmáⁿ nduudu cuaacu yeⁿé naati nguée caaⁿmáⁿ 'tíicā ti nguée neⁿé chi mar 'áámá 'iiⁿyā nadacadíinuⁿ yā chi 'úú ch'ēete ca 'úú. Neⁿé chi 'iiⁿyā miiⁿ nadacadíinuⁿ yā yeⁿe 'úú tan'dúúcā chi n'diichí yā 'úú, ní n'giindiveeⁿ yā nduudu yeⁿé.

⁷Chuū chi Cristo ch'iⁿí yā 'úú ní 'áámá visión chi ch'ēete ni dēeve taavi ca. Ní Cristo tee yā 'úú 'áámá ya'ai na cuerpo yeⁿé chi 'áámá canée ní tan'dúúcā chi 'áámá yááⁿ chi cata'āi na cuerpo yeⁿé. Ní chíi tan'dúúcā chi yááⁿ n'guiinuⁿ s'neeⁿ sa yááⁿ miiⁿ chi neⁿe sa chí 'cúeenú cuuvi. Ní Ndyuūs tee yā permiso chi 'úú canee ndúúcū dolor miiⁿ cáávā chi nguée cuuvi caaⁿmáⁿ yeⁿe maáⁿ chi ch'ēete 'úú. ⁸Ní 'iīnū cuuvi chíicā Señor Jesucristo yeⁿe yú chi diví yā vaadi ya'ái 'cūū yeⁿé.

⁹Naati Señor yeⁿe yú ngaⁿá yā ngii

yā 'úú 'tíicā: Vaadi neⁿe yeⁿé ní tūneeⁿ di ní nguée más ca neⁿe ní ti chuū. Ní poder yeⁿé chuū chi n'giⁿi cá taachí 'iiⁿyāⁿ chi duūva cuerpo yeⁿé yā. Maaⁿ ní cucáávā chi yaa'ví Señor 'úú 'túúcā, 'úú yeenú ti 'úú duūvā 'úú ti Cristo cuuvi 'cuuⁿmíⁿ yā poder yeⁿé yā ti canée yā na cuerpo yeⁿé. ¹⁰Cáávā chuū ní yeenú ti duūvā. Ní yeenú 'aara chi 'iiⁿyāⁿ ngaⁿ'a taaⁿ yā yeⁿé, ní nguée vée necesidades yeⁿé, ní 'iiⁿyāⁿ díⁿ yā chi n'geenú ngii. Ní yeⁿe dendú'u díitūu chi cho'ōo yeⁿé ní n'geenú ngii nducuéⁿe chuū cáávā Cristo. 'Tíica rā va. Taachi duūvā cuerpo yeⁿé tuu'mi ní más ca ditiinu 'úú.

Pablo nadacadiinuⁿ cá yā yeⁿe 'iiⁿyāⁿ yeⁿe yaacū yeⁿe yāáⁿ Corinto

¹¹'Úú deenú chi ngaⁿ'á tan'dúúcā chi loco 'úú taachi ngaⁿ'á yeⁿe maáⁿ naati ndís'tií díⁿ ní chi a fuerza canee chi caaⁿmáⁿ yeⁿe maáⁿ ti ndís'tií nguée ngaⁿ'á ní yeⁿé 'túúcā. N'daacā ca chi ndís'tií caaⁿmaⁿ n'dáaca ní yeⁿé. 'Úú nguée duu'ví 'úú yeⁿe tanáⁿ'ā 'iiⁿyāⁿ chi ngaⁿ'á yā chi apóstoles ní nguée 'tíicā 'aara chi 'úú nguée dē'e vee 'úú. ¹²Ní taachi canée nducú ní ch'iⁿí ndís'tií chi cuaacu chi 'úú 'áámá apóstol yeⁿe Jesucristo 'úú ndúúcū vaadi n'giinu ch'ēete chí díⁿ ní ndúúcū ntiiⁿnyuⁿ ch'ēete chí díⁿ ní nduūcū vaadi n'giinu n'dai chí díⁿ. ¹³Dē'e vee chí nguée díⁿ ndúúcu ndis'tií taachi canee ndúúcu ní tan'dúúcā chí díⁿ ndúúcū nducyaaca 'iiⁿyāⁿ yeⁿe tanáⁿ'ā yaacū. 'Āā daamá nūuⁿ idíⁿ nduucú ní. Deenú chí nguée ngiicā ndís'tií chí cunnee ní 'úú caavā necesidades

yeⁿé. Maaⁿ ní nadich'eecú nī yeⁿé caavā falta 'cūu ti nguée diiⁿ daamá ndúúcu nī.

¹⁴Maaⁿ ní vee yaáⁿ chi ndaá nanááⁿ ndís'tiī ndiichi ndii 'íínú cuuvi, ní taachi ndaá nguée di'vaachí ndís'tiī. Ní nguée neⁿé de'ē véé yeⁿe nī chi maáⁿ nī in'nuúⁿ nī naati 'úú neⁿé ndís'tiī. Deenu yú chi 'iiⁿyaⁿ chi chiidá yā canée chí in'nuúⁿ yā necesidades yeⁿe daiyá yā, nguée ti daiyá yā in'nuúⁿ yā necesidades yeⁿe chiidá yā. ¹⁵Ni 'úú diíⁿ gastar tuūmī yeⁿé chi diíⁿ ntiin'nyuⁿ cáávā ndís'tiī ní ndíí chi cuūnū 'úú cáávā almas yeⁿe nī níícu 'cuēetinée n'daacá nī. Áará chí neⁿe cá ndís'tiī ní nguée ti ndís'tiī neⁿé nī 'úú.

¹⁶Ní 'áará chí 'úú nginneé ndís'tiī, náⁿá 'iiⁿyaⁿ nguaaⁿ ndís'tiī chí deenú yā chí nguée sta'á tuumi yeⁿé nī, ngaⁿá yā chí 'úú nginnche'í 'iiⁿyaⁿ s'eeⁿ. ¹⁷¿Áá nginnche'í ndís'tiī cucáávā 'iiⁿyaⁿ s'eeⁿ chí dicho'ó nanááⁿ ndís'tiī? Nguēe 'tíicā. ¹⁸Úú chiicá saⁿá Tito chí naⁿá yā. Ní dicho'ó Tito ndúúcu táámá hermano yeⁿe yú nanááⁿ ndís'tiī. ¿Áá cuaacu chí Tito miiⁿ chinnche'í yā ndís'tiī? Nguēe 'tíicā. O ¿áá cuaacu chí 'úú ndúúcu 'iiⁿyaⁿ miiⁿ nguée diíⁿ 'nū dáámá ntiin'nyuⁿ nguaaⁿ ndís'tiī ní nguée ndúúcu dáámá sentido yeⁿé 'nū? Nguēe 'tíicā.

¹⁹Maaⁿ ní ndís'tiī, ¿áá nadacadiinuⁿ nī chí ngaⁿá 'nū chí chííⁿ chí diíⁿ 'nū ní cuaacu caatí chí idiíⁿ 'nū defender ntiin'nyuⁿ yeⁿé 'nū? Nguée 'tíicā. Ngaⁿá 'nū nanááⁿ Ndyuūs nduudú 'cūu cáávā chí nús'uu ní yeⁿé Jesucristo. Ní

nducuéⁿē chí diíⁿ 'nū, diíⁿ 'nū ti ndís'tiī hermanos chí neⁿé 'nū cuuvi cu'téenu cá nī Ndyuūs. ²⁰Ni 'úú nī 'va'á ti taachi ndaá nanááⁿ ndís'tiī 'úú nguée ndaācá chí ndís'tiī diíⁿ nī tan'dúúcu chí 'úú neⁿé chí diíⁿ nī. Ní ndís'tiī nguée ndaācā nī 'úú tan'dúúcu chí neⁿé nī chí 'úú idiíⁿ tí canée chí 'caa'vá ndúúcu ndís'tiī. Ní ndaācā ndís'tiī tan'dúúcu chí nguée canée chí 'cuēetineé nī. Ní ndaācā chí véé nguaaⁿ ndís'tiī 'iiⁿyaⁿ chí n'geecu cheendí yā, ndúúcu 'iiⁿyaⁿ chí neⁿé yā cosas tan'dúúcu chí véé yeⁿe taama yā ndúúcu 'iiⁿyaⁿ chí nduuvi taáⁿ yā. Ní 'iiⁿyaⁿ s'eeⁿ chí 'caa'vá yā ndúúcu táámá hermano ní maáⁿ yā divíi yā yeⁿé yā ti neⁿé yā ngaⁿá yā chí ch'ete maáⁿ yā. Ní 'iiⁿyaⁿ ngaⁿá yā contra yeⁿe taama yā. Ní 'iiⁿyaⁿ néené neⁿe caaⁿmaⁿ yā yeⁿé chí diiⁿ taama yā. Ní 'iiⁿyaⁿ ngaⁿá yā chí maáⁿ yā ní ch'etē yā, ní nguée véé vaadi 'diííⁿ nguaaⁿ ndís'tiī. ²¹Ni 'va'á chí 'cuinaáⁿ nanááⁿ Ndyuūs cáávā ndís'tiī taachi ndaá nanááⁿ ndís'tiī taama vmnéⁿē. Ní taachi canée ndúúcu nī ngii ya'āi 'iinú yeⁿé 'yááⁿ ndís'tiī chí dinuuⁿndí nī ní nguée nadaacadaamí nī yeⁿe nuuⁿndí nī chí diíⁿ nī yeⁿe chí neⁿe cuerpo yeⁿe nī. Ní diíⁿ nī cosas chí nguēe n'daacā. Chííⁿ ní diíⁿ nī chí sáⁿá sta'a sa n'daataá yeⁿe tááma saⁿá.

Pablo dingúūⁿ diitú yā yeⁿe 'iiⁿyaⁿ yeⁿe yáāⁿ Corinto ní ngaⁿá yā: N'dai ndís'tiī

13 Chuū ní ndii 'íínú cuuvi chí caⁿá ndaá nanááⁿ ndís'tiī ní taachi ndaá nduuti chí 'iiⁿyaⁿ caaⁿmaⁿ nuuⁿndi yeⁿé

taámá 'iiⁿ'yāⁿ canéé chi véé 'uūvi o 'iinū testigo ndúúcu yā. Ní cunee n'daacā nduudu miiⁿ tan'dúúcā chi canéé nguūⁿ na libro yeⁿ'é Ndyuūs. ²Āā ngaⁿ'á cuááⁿ vmnaaⁿ taachi cānee nduucú nī ndúúcu 'iiⁿ'yāⁿ chi dinuuⁿndí yā ní ndúúcu nducyaacá nī. Maaⁿ ní chi canee ya'ái yeⁿ'ē ndís'tiī dinguúⁿ taama vmnéⁿ'ēe yeⁿ'e chúu tan'dúúcā chi ngaⁿ'á cuaaⁿ vmnaaⁿ nanááⁿ ndís'tiī. Taachi ndaá nanááⁿ ndís'tiī taama vmnéⁿ'ēe n'diichí nuuⁿndi yeⁿ'ē nducyaaca hermanos. ³Ní 'úú idiíⁿ ti ndís'tiī cadiinuⁿ nī nduuti chi Cristo yeⁿ'ē yú ch'iⁿ'í yā 'úú nduudu chi ngaⁿ'á o nguéé. Ní Cristo yeⁿ'e yú nguéé duūvā taachi dííⁿ yā tratar nduucú nī. Caⁿ'á yā ch'iⁿ'í yā chi dítiinú yā nguéé ti ndís'tiī. ⁴Cuáácú chi 'iiⁿ'yāⁿ ch'iⁿ'éé ngaⁿ'á yā Cristo tan'dúúcā chi Cristo ní 'aama 'iiⁿ'yāⁿ chi duuvā, naati maaⁿ ní Cristo miiⁿ canduuchi yā yeⁿ'ē nguaaⁿ tináⁿ'ā cucáávā poder yeⁿ'é Ndyuūs. 'Tiicá ntúūⁿ nús'uu ní yeⁿ'e Cristo. Nús'uu ní duūvā 'nū naati poder yeⁿ'e Ndyuūs canee ndúúcu 'nū. Ní cáávā chuū cuuví n'diichi 'nū nuuⁿndi yeⁿ'é nī ní dichí'vé 'nū ndís'tiī.

⁵Maaⁿ ní ndís'tiī n'diichi maáⁿ nī nduuti chi ndís'tiī 'āā canee diitú nī ndúúcu chi i'téenu nī yeⁿ'ē Cristo. N'diichi maáⁿ nī chí cuaacu chi i'téenu nī. ¿Áā nguéé déenu ndís'tiī nduuti chi Cristo canee nduucú nī o nguéé? Ní nduuti chi cuaacu chi nguéé i'téenu nī cáávā nuuⁿndi yeⁿ'é nī tuuⁿ'mi ní nguéé yeⁿ'é Ndyuūs ndís'tiī. ⁶Neⁿ'é chi ndís'tiī cadiinúuⁿ nī chi nús'uu ní dichii'vé 'nū Ndyuūs ní ti yeⁿ'é Ndyuūs nús'uu. Nguéé falso 'nū. ⁷Maaⁿ ní ngaⁿ'anguaⁿ'á 'nū

Ndyuūs caavā ndís'tiī chi ndís'tiī nguéé dinuuⁿndí nī yeⁿ'e mar 'áámá chi nguéé n'daacā. Neⁿ'é 'nū chi ndís'tiī ní dííⁿ nī nducuéⁿ'ē chi n'daacā. Nguéé ti cuuvi 'cuuⁿ'míⁿ 'nū chi dííⁿ 'nū ntiiⁿ'nyuⁿ chi n'daacā. 'Iiⁿ'yāⁿ ní cuuvi n'diichí yā ntiiⁿ'nyuⁿ yeⁿ'é 'nū, ní caaⁿ'máⁿ yā chi nguéé n'daacā idiíⁿ 'nū. Dámaāⁿ neⁿ'é 'nū chi ndís'tiī din'daacá nī. ⁸Nús'uu ní nguéé de'ē vee dííⁿ 'nū chi contra yeⁿ'e nduudu cuaacú naati nducuéⁿ'ē chi dííⁿ 'nū ní yeⁿ'ē nduudu cuaacu miiⁿ. ⁹Cáávā chuū nús'uu ní yeenú taaví 'nū taachi duūva 'nū ní taachi ndís'tiī ditiinú nī ndúúcu chi i'téenu nī. Ní ngaⁿ'anguaⁿ'a cá 'nū ní ngiicá 'nū Ndyuūs chi ndís'tiī cuuvi dííⁿ nī chi n'daacā n'dai ní 'cuetineé nī tan'dúúcā chi Jesucristo neⁿ'é yā chi dííⁿ nī. ¹⁰Idingúuⁿ 'nū yeⁿ'e ndís'tiī vmnaaⁿ taachi 'āā cuéé ndaá 'nū nanááⁿ ndís'tiī caati taachi ndáa 'nū nanááⁿ ndís'tiī nguéé chechi caaⁿ'máⁿ ndúúcu nī cucáávā poder chi Señor Jesucristo tee yā 'úú. Ní Señor yeⁿ'ē yú tee yā poder 'úú caavā chi ndís'tiī ní cuuvi cu'téenu cá nī nguéé caava chi cuuvi ndái nī.

¹¹Maaⁿ ní 'cuiinū carta yeⁿ'é. Ní na carta yeⁿ'é ní ngaⁿ'á ti n'dai taavi ndís'tiī ní dííⁿ nī chi 'cuetineé n'daacā nī ndúúcu vaadi 'diiⁿ na vida yeⁿ'e nī. Níicú cunee nī ndúúcu dáámá vaanicadiinūuⁿ yeⁿ'é nī ní Ndyuūs chi véé vaadi 'diiⁿ yeⁿ'e yā ní dinéⁿ'e yā ndís'tiī Ndyuūs miiⁿ canee nduucú nī. ¹²Ní nguaaⁿ maáⁿ nī dííⁿ nī saludaⁿ'áámá nī ndúúcu taamá nī. Caaⁿ'máⁿ nī chi n'dai hermano yeⁿ'é nī ní túú'ví nī cheendi hermano yeⁿ'é nī tan'dúúcā costumbre yeⁿ'é nī ti yeⁿ'é Ndyuūs ndís'tiī. ¹³Nducyáácá 'iiⁿ'yāⁿ chi i'teenú

yā Jesucristo ye^{n'}e yú dichó'o yā saludos
na carta 'cūū ye^{n'}é nī ní nga^{n'}á yā: N'dai
ndís'tiī.

¹⁴Ní ne^{n'}é chi Señor Jesucristo
tée yā ndís'tiī vaadī n'dai taavi

ye^{n'}é yā. Ní vaadī ne^{n'}e ye^{n'}é
Ndyuūs ní Espíritu N'dai ye^{n'}é
Ndyuūs canéé nduucú nī. Chuū
carta chi 'úú Pablo dingúⁿ ye^{n'}e nī.
'Tífcā chii.